

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

2022-mut aningaasanut inatsisissap isumaqatiginninniutigineqarnerani Ineqarnermut Attaveqaasersuutinullu Naalakkersuisoq inissiaqarnermut suliassaqaarfimmi aningaasalersuisarnermut aaqqissuussinernik nalilersueqquneqarsimavoq. Nalilersuineq marlunnut avinneqarsimavoq, siullerlu november 2023-mi tunniunneqarluni.

Nalilersuinerup immikkoortuani siullermi paasissutissat atortussallu kommuninit tunniunneqartut tunngavigalugit illuliortitsinerneq aningaasaalersuisarnermut aaqqissuussinermut kommunit suliarinnittarnerat atuisarnerallu pineqarpoq. Nalilersuinerup immikkoortuani siullermi inerniliunneqartut Namminersorlutik Oqartussat kommunillu akornanni artornartunut suliassanullu agguataarisarnermut tunngatillugu innersuussutissanut arlalinnut tunngaviliipput.

Nalilersuinerup immikkoortuata tulliani suliassaqaarfimmut inatsisit inatsilerinikkut misissuiffiginissaannik kiisalu aaqqissuussinernik allaffissornikkut aqutsinikkullu kommunit naalakkersuisoqarfiullu misilittagaannik tunngaveqarput. Kommunit aaqqissuussinernik allaffissornikkut suliarinissaanut akisussaasuupput, naalakkersuisoqarfillu inatsisip paasinissaanut akisussaasuulluni.

### **2. Siunnersuummi immikkoortut pingarnerit**

*2.1 Pisortat inissiaataasa attartortakkat inissianut nammineq pigisanut allanngortinneri tuniniarneqarnerilu.*

Malittarisassat atuuttut malillugit inissiap attartortakkap inigisatut nammineq pigisatut tiguneqarnissaa pillugu attartortoq Naalakkersuisunut imaluunniit kommunalbestyrelsimut qinnuteqarsinnaavoq. Malittarisassat taakku allanngortinnagit atorineqassapput.

Siunnersuutigineqarpoq pisortat inissiaataat attartortittakkat inissiatut nammineq pigisatut allanngortinnissaannut Naalakkersuisut imaluunniit kommunalbestyrelsim, nammineq suliniuteqarnikkut, aalajangiisinnaanngortillugit, nutaamik malittarisassaliortoqassasoq. Inissiat nammineq pigisatut allanngortinneqartut tamatuma kingorna attartortooreersunut

tuniniarneqassapput. Inissiaq nammineq pigisaq inigineqarunnaarpat inissiaq nammineq pigisatut tamanut ammasumik tuniniarneqassaaq.

Allanngortitsinermit atasumik Naalakkersuisut kommunalbestyrelsilu piginnittut peqatigiiffiata malittarisassaanik suliaqassapput, piginnittut peqatigiiffiannik pilersitsinissaq CVR-imilu nalunaarsornissaa kiisalu illumut nunaminertamik atuinissaq pillugu qinnuteqaatisonnissaq isumagissallugu. Naalakkersuisut kommunalbestyrelsilu piginnittut peqatigiiffiata ingerlannissaa aqutsinissaa lu siunertaralugu allaffissornikkut isumaqatigiissutit il.il. pisariaqartut isumaqatigiissutiginnissaat isumagissavaat.

Naalakkersuisut kommunalbestyrelsilu illup sillimmasernissaanut isumaqatigiissutit il.il. pillugit isumaqatigiissutinik pilersitsinissaq inissiallu nammineq pigisat ataasiakkaat innaallagamik, imermik, kiassarnermik imermillu kissartumik pilersornissaat isumagissavaat.

Tunisineq aallaaviatigut niuernermit nalinganut naapertuuttumik pisinermit akianut tunineqassaaq, taamaattorli inissiap inittussusaanut minnerpaamik 7.000kr./m<sup>2</sup>-imut.

Akip minnerpaaffissaanik aalajangersaanermit pingaartinneqassapput illoqarfiit anginerusut avataanni inissianik nammineq pigisanik allanngortitsineq inissiat nammineq pigisat piviusumik pisiarinerini akiinit appasinnerullutik akeqarsinnaammata. Aammattaaq pingaartinneqarpoq niuerfimmi nalinut inissianik nammineq pigisanik allanngortitanik tunisineq sumiiffinni ataasiakkaani nalinginnaasumik inissianut aningaasartuutit naapertuussinnaannginneri.

Inissiami nammineq pigisami allanngortinneqartumi inissiamut aningaasartuutit annertuumik annikillissinnerisa kingunerisaanik immikkut ittumik pilersitsinissaq pissanngilaq.

Siunnersuutigineqarpoq attartortup ukiunik attartorsimanera tunngavigalugu tunisinermit akimik maannakkut appaasarneq nalinginnaasumik procentinngorlugu appaasernermit allanngortinneqassasoq. Maannakkut attartortumut tunisinermit siunnersuutigineqarpoq pisinermit akit 20 %-imik appartinneqassasoq. Inoqarfinni illuummik qularnaveeqqusiilluni taarsigassarsiamik pissarsiffiusinnaanngitsuni siunnersuutigineqarpoq pisinermit aki 30 %-imik appartinneqassasoq. Pisinermit akip tamarmiusumi appaataanut naapertuuttumik akit nikingassutaannut qularnaveeqqusiissummut uppersaammik pisisoq atulersitsissaaq. Akit nikingassutaannut qularnaveeqqusiissummut uppersaat ukiuni tallimani aamma qulini taarsiissutitaqassanngilaq tamatumalu kingorna ukiut 15-it ingerlanerini appartikkiartorneqassalluni.

Naalakkersuisut imaluunniit kommunalbestyrelsi pisinermit akip 40 %-ianut taarsigassarsitsissapput. Taarsigassarsiat ukiuni 20-ini ernialersorneqarnanilu taarsiissutitaqassanngillat tamatumalu kingorna ukiut 15-it ingerlaneranni ukiumut assigiiartumik taarsigassarsiatut akilersorneqassalluni. Sinneri ileqqaarnikkut imaluunniit

illuummik qularnaveeqqusiilluni taarsigassarsisarfirmi imaluunniit aningaaserivimmi taarsigassarsinikkut aningaasalersorneqassapput.

Najukkani illuummik qularnaveeqqusiilluni taarsigassarsiamik pissarsiffiusinnaanngitsuni pisinermi akip 50%-ianut pisortat taarsigassarsisitsissapput. Taarsigassarsiat ukiuni qulini ernialersorneqarnatillu taarsiissutitaqassanngillat tamatumalu kingorna ukiut 20-t ingerlaneranni ukiumut assigiiartumik taarsigassarsiatut akilersorneqassalluni. Sinneri ileqqaarnikkut imaluunniit aningaaserivimmi taarsigassarsinikkut aningaasalersorneqassapput.

Inissiamik nammineq pigisassamik atorneqanngitsumik pisortat tamanut ammasumik tuniniarneqarnerani inissiaq nammineq pigisassaq niuernermi nalinganut tunineqassaaq aamma akit nikingassutaannut qularnaveeqqusiissummut uppersaateqanngitsumik imaluunniit pisortanit aningaasalersorneqanngitsumik.

Inissianik pisisartunut inuusunnerusunut tassungalu ilanngullugit siullermeertumik pisisartunut periarfissat pitsaanerulersinniarlugit siunnersuutigineqarpoq 30-nik ukiullit tikillugit inissianik nammineq pigisatut allanngortinneqartunik pisortat neqeroorutaannik pisinermi attartortup inissiamik nammineq pigisamik pisineratulli atukkat assigalugit pisortanit aningaasalersorneqarsinnaassasoq. Pisortat aningaasalersuineranni piumasarineqarpoq pisinermi akigititap niuerfirmi nalitut nalilerneqartumit qaffasinnerussanngitsoq.

## *2.2 Najugaqarfissatut atuisarneq*

Malittarisassat atuuttut malillugit inissiap inuussutissarsiutinut atorneqarsinnaaneranut malittarisassaliortoqarsimanngilaq.

Inissiat nammineq pigisat imaluunniit illu nammineq pigisat inatsit manna naapertorlugu taarsigassarsiffigineqartoq taamaallaat piginnittumut taassumalu inoqutigiivinut imaluunniit attartortumut taassumalu inoqutigiivinut najugassatut atorneqarsinnaanera siunnersuutigineqarpoq. Siunnersuutigineqarpoq piginnittoq taassumalu inoqutigisai imaluunniit attartortoq taassumalu inoqutigisai inuussutissarsiutitut namminersortutut ingerlatanik annikitsumik ingerlataqarsinnaasut. Allanguutissatut siunnersuummi § 16 a. imm. 1, nr.5-imut immikkut ittumik nassuiaatini suut inuussutissarsiutitut namminersortutut minnerusutut ingerlatatut isigineqarnersut suullu inuussutissarsiutitut namminersortutut minnerusutut isigineqannginnersut sukumiinerusumik nassuiaaffigineqarput.

Inuussutissarsiutitut namminersortutut ingerlatatut minnertut saniatigut inissiaq pisortanit taarsigassarsiat atorlugit inuussutissarsiutitut atorneqarpat taarsigassarsiarineqartoq akiligassanngortinneqassaaq.

### *2.3 Piginnittut nikinnerini akiliut*

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit piginnittut nikinnerini akiliummik akiliisoqarneq ajorpoq.

Siunnersuutigineqarpoq siunissami pisortani taarsigassarsiani taarsigassarsiat atsiorneqarnerminni angissusiata 15 %-ianik piginnittut nikinnerini akiliummik akiliisoqartalissasoq. Siunnersuut illuliortiternernut aningaasalersuineq pillugu Inatsisartut inatsisaanni malittarisassaq assigaa.

### *2.4 Pisortani qularnaveeqqusiussaqaarluni taarsigassarsinermi allagartaq - taarsigassarsinermi kaaviiartitassatut allagartaanngitsut*

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit pisortanut atulersinneqartunik qularnaveeqqusiussaqaarluni taarsigassarsinermi allagartamik, tunisisarnissamut imaluunniit taarsigassarsisitsinissaannut malittarisassaliortoqarsimannngilaq. Tunngaviatigut qularnaveeqqusiinermut allakkat kaaviiartitanut qularnaveeqqusiinernut allagaanngillat, paarlattuanik sulinermi tamakkuninnga tuniniaasoqarsimassanngippat imaluunniit taarsigassarsititsisoqarsimassanngippat.

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni massakkut atuuttumi imaluunniit tamanna pillugu siusinnerusukkut inatsisit naapertorlugit pisortat taarsigassarsisitsinerannut ilaasumik pisortanut atulersinneqartut qularnaveeqqusiussaqaarluni taarsigassarsinermi allagartat akiitsullu allagartai tunisinerni, taarsigassarsianut sallunaveeqqutitut imaluunniit akiligassaqaarfiit malersornerinut atorneqartannginnissaat siunnersuutigineqarpoq.

### *2.5 Taarsigassarsianik allanngortitsisarneq tulleriinnerisalu allanngortinneri*

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit taarsigassarsiaareersut allanngortinnissaannut imaluunniit illuut pillugu tulleriinnerit allanngortinnissaannut, tassungalu ilanngullugu illup ilaa akiitsoqarfiunngitsoq qularnaveeqqusiullugu taarsigassarsineq, taarsigassarsiarineqartussat pillugit ataqqinninnermut uppersaasarnermut nalunaaruteqarnissamut pisortat periarfissaannut malittarisassaliortoqarsimannngilaq. Qularnaveeqqusiussaqaarluni taarsigassarsititsinermut uppersaatini amerlanerni pisortat taarsigassarsititsisarfinni allatut

pingaarnersiulluni taarsigassarsiat allannortittarnissaat ataqqineqarput, taamaattoq taarsigassarsiat akinut naleqqersuummut iluarsisat imaluunniit aningaaserivimmi allannortiterinernut aamma/imaluunniit allilerinernut ataavartunut naleqarnerulersitsisunulluunniit uppersarneqartunut aningaasartuutitut matusissutissat pinnagit.

Malittarisassat atuuttut malillugit inissiami piginnittut nikinnerannut atatillugu taarsigassarsiarineqartussat nutaat kisimik pisortat taarsigassarsitsinerini ataqqineqarput. Pisisumit tiguneqartut taarsigassarsiat katinneri ilanngaatilugit pisinermi akip 90 %-ianut annerpaamik naapertuuttut taarsigassarsiarineqartussat pisortat taarsigassarsiarititaasa ataqqissavai.

Taarsigassarsiaareersut allannortinnissaannut imaluunniit illuut pillugu tulleriinnerit allannortinnissaannut, tassungalu ilanngullugu illup ilaa akiitsoqarfiunngitsoq qularnaveeqqusiullugu taarsigassarsineq, taarsigassarsiarineqartussat pillugit ataqqinninnermut uppersaasarnermut nalunaaruteqarnissamut pisortat nalinginnaasumik periarfissaqarnissaat siunnersuutigineqarpoq. Taarsigassarsititsinerimut killiliusaaq inissianut ukiut 20-t angullugit pisoqaassusilinnut niuerfinni inissiap nalingata 90%-ianut aalajangersarneqassaaq. Tamatuma kingorna taarsigassarsisinnaanermut killiliusaaq 80%-inut appartinneqassaaq.

## *2.6 Piffissaq sioqqullugu taarsigassarsianik akiliineq*

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tigusisarneq pillugu Inatsisartut peqqussutaanni malittarisassat atuuttut malillugit pisortanit taarsigassarsiat piffissaq sioqqullugu tamakkerlugit akilerneqarsinnaapput. Piffissaq sioqqullugu akiliisitsiniarnermi pisortat taarsigassarsiarititaat Nationalbankip ernialiusaata ilaneratigut 3 %-imik ernialiilluni kingumut nuunneqassapput.

Kingumut nuussinermi erniaritinneqartoq Naatsorsueqqissaartarfiup qaammatitut 12-inut kingullernut atuisunut akinut naleqqersuutitut kingullermik naatsorsuutaanut 1 procentpointimik ilallugit naapertuuttumik ernialerlugit allannortinneqassasoq siunnersuutigineqarpoq.

Inissianik nammineq pigisanik aamma illunik nammineq pigisanik allannortinneqarsimasunik tigusinerimut attartortunut pisortanit taarsigassarsiat ukiuni 35-ni katillugit akilersugassaapput. Tamatuma kingunerisinaavaa pisortat aningaasanut annertuunut pituttugaalersinnaanerat. Sivisuumik akilersuisarnerit tassunga ilanngullugit ukiut tallimat-qulit angullugit erniaqartitsinnginnerit akilersuisussaannnginnerillu kingunerissavaat pisortani taarsigassarsiat nalingat aningaasat naleerukkiartornerat ilutigalugu suujunnaariartulertussaanagerat.

Siunnersuutip kinguneraa taarsigassarsisup piffissamik sioqqutsilluni ullutsinni nalimut taarsigassarsianik inaaraluni akiliinissamut periarfissaqarnera. Tamanna isumaqarpoq taarsigassarsiarineqartut nalingata naatsorsuiffiginerat piffissami akiliisitsiniarfimmi taarsigassarsiat piffissami ernialersorneqarnatillu akilersunnginnerini aningaasat naleerukkiartornissaat sillimaffigineqartoq.

Massakkut naliusup naatsorsuiffiginissaa Naatsorsueqqissaartarfiup atuisunut akigititamut naleqqersuutaanik tunngaveqassasoq siunnersuutigineqarpoq. Atuisunut akigititanut naleqqersuut atuisunut akigititani allanngornernut ingerlaavartunut takussutissaavoq, aningaasallu naleerukkiartornerannut oqariartuutaalluartutut isigineqarluni. Ernialiinermi erniaritineqartoq Naatsorsueqqissaartarfiup kingullermik piffissamut qaammatinut 12-inut atuisunut akigititanut naleqqersuutaa 1 procentpointimik ilallugu allanngortitsinera naatsorsuiffigineqartoq atorlugu aalajangersarneqassasoq siunnersuutigineqarpoq.

Piffissaq sioqqullugu akiliinissamut noqqaaneq aamma ullutsinnut nalimut utertitsilluni ernialersuineq taarsigassarsinerup tunniunneqarneraniit siusinnerpaamik ukiut tallimat kingorna pisinnaavoq. Kingumut tunniussisarnermut erniaqartitsineq taamaallaat pineqarpoq piffissaq taarsigassarsiat ernialersugaanngitsunut akilersuutitaqanngitsunullu sinneruttoq.

Siunnersuutigineqarpoq 14 b-mi taamaalillunilu kingumut tunniussinermi ernialiinermut erniat atuisunut akigititanut naleqqersuutip allanngornera tunngavigalugu aalajangersarneqartoq Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaanni imaluunniit siusinnerusukkut tamanna pillugu inatsisini malittarisassat malillugit inissianik nammineq pigisanik imaluunniit illunik nammineq pigisanik allanngortinneqartunik attartortut pisinerannut pisortanit taarsigassarsianut atuuttunut tamanut atorneqassasoq.

Aalajangersimasumik suleriaaseq malillugu ernialersorneqanngitsumik pisortat taarsigassarsinerat akileraarutaasussaannngitsutut isigineqarpoq, ernialersuinnginnerup qanoq naleqarsinnaanera apeqquataatinnagu.

Taamaaqataanik naatsorsuutigineqarpoq ullutsinni nalimut kingumut naatsorsuinnermi taarsigassarsiat atsiorneqarnerisa angissusiannik appaaneq akileraarutaasussaannngilaq.

## *2.7 Taaguutinik nutarterineq*

Namminersornerullutik Oqartussat Namminersorlutik Oqartussanik, Landsstyret Naalakkersuisunik il.il. taarserlugit, Inatsisartut inatsisaanni taaguutit tamarmik nutarterneqassasut siunnersuutigineqarpoq.

### **3. Pisortanut aningaasaqarnikkut allaffissorinikkullu kingunerisassat**

Namminersorlutik Oqartussat kommunillu inissiaataasa attartortakkat inissianut nammineq pigisanut allanngortinnerini kingornalu taakku tunineqarnerini inissianut attartortittakkanut aningaasaatinit iluanaarutinit isertittakkat annikillisussaassapput. Aningaasaatinit iluanaarutinit isertitat allanngornerisa missiliornissaat ajornarpoq. Inissiap attartukkap nammineq pigisatut tigunissaanut periarfissamik attartortut qassit atuerusussanersut siumut ilisimaneqannginneranik patsiseqarpoq.

Peqatigisaanik Namminersorlutik Oqartussat kommunillu inissianut nammineq pigisanut allanngortinnerinut tunineqartunullu atasunut pisinnaatitaaffinnut pisussaaffinnullu allanut pisussaaffeerutissallutik. Inissiat nammineq pigisat taamatut isikkoqartillugit allanngortinneqarnissaat tunineqarnissaallu naatsorsuutigineqarpoq. Illut tamarmiusut imaluunniit inissiat nammineq pigisat ataasiakkaat nutarsarneqarnissaat imaluunniit iluarsaanneqarnissaat naatsorsuutigineqanngilaq.

Attartortunut inuusuttunullu 30-t tikillugit ukiulinnut akit nikingassutaannut qularnaveeqqusiissummut uppersartaatikkut pisortat aningaasalersueqataanissaannut pisinnaatitaaffeqartunut tunisinermi akip ilaa naapertuuttoq akit nikingassutaannut qularnaveeqqusiissummut uppersartaatip appartikkiartornera naapertorlugu pisortanit akilerneqassaaq. Akit nikingassutaannut qularnaveeqqusiissummut uppersartaat taakkulu appartikkiartornerinut aningaasartuutit annertussusaat missilersorneqarsinnaanngillat. Siuliani tungavilersuutigineqartoq takuuk.

Inissiat nammineq pigisat allanngortinnerinut tunineqarnerinullu atasumik ataasiartumik aningaasartuutit arlaliussapput. Namminersorlutik Oqartussat kommunillu piginnittut peqatigiiffianik pilersitsinermut, malittarisassat suliarinerinut illumilu inissianut nammineq pigisanut agguarnerinut aningaasartuutit akiliissapput. Naliliisoqarpoq illumut ataatsimut allanngortinneqartumut aningaasartuutit 50-100.000 kr.-nik annertussuseqassasut. Taakkununnga ilanngutissapput inissianik nammineq pigisanik ataasiakkaanik tunisinermut atatillugu allaffissornerit.

Allanngortitsinermut tunisinermullu, taakkununnga ilanngullugit nalilersuinermit, siunnersorneqarnermut, eqqartuussissuserisoqarnermut aamma piginnittunngornermut akiliutissanut atatillugu Namminersorlutik Oqartussat kommunillu aningaasartuutaannut matussutissanut tunisinermi akigititaq 50.000 koruuninik ilaneqassaaq.

Kingumut tunniussinermi ernialiinermi nalikilliliinermi erniat Nationalbankip ernialiineraneersut Atuisunut akit naleqqussarnerannut 3 procentiusup 1 procentpointimik ilaneratigut sipaarutissap inissiat nutaat sananerannut pisortat taarsigassarsiarititaasa siusissukkat akilersinniarnersigut anguneqarsinnaasup annikillinissaa naatsorsuutaavoq. Piffissaq sioqqullugu akiliinermi allannguutissatut siunnersuut aqutugalugu malittarisassat

atuutereersut malillugit periarfissaalluarnaviangitsut naatsorsuutigineqarpoq. Allanguutissatulli siunnersuutikkut kingumut akiliisarnermut erniaqartitsinerup aningaasat naleerukkiartorneranni ineriartornermut ingerlaavartumik naleqqussaaffigisarnissaa qulakkeerneqassaaq.

Allanguutissatut siunnersuutip pisortat taarsigassarsiaasa piffissaq sioqqullugu akilersinniarneqartunut sunniuteqassanersoq nalilersuiffigineqarsinnaangilaq. Taarsigassarsiat akilersinniarneqartussat amerlassusaanni suunngitsumik ikiliartortoqalerumaartoq naatsorsuutigineqassaaq, akiliisitsiniarnissarli taarsigassarsiarineqartut pingaarnertut akiligassaqarfigisaani annerusumik akiliuteqarnikkut pisassagunarpoq.

Siunnersuut inuussutissarsiortunut allanullu malunnartumik aningaasaqarnikkut imaluunniit allaffissornikkut kinguneqarnaviangitsoq nalilerneqarpoq.

#### **4. Inuussutissarsiortunut aningaasaqarnikkut allaffissornikkullu kingunerisassat**

Siunnersuut inuussutissarsiutinik ingerlataqartunut aningaasatigut allaffissornikkullu sunniuteqassanngitsoq nalilerneqarpoq.

#### **5. Avatangiisinut, pinngortitamut inuillu peqqissusaannut kingunerisassat**

Siunnersuut avatangiisinut, pinngortitamut inuillu peqqissusaannut sunniuteqassanngitsoq nalilerneqarpoq.

#### **6. Innuttaasunut kingunerisassat**

Siunnersuut innuttaasunut allaffissornikkut sunniuteqassanngitsoq nalilerneqarpoq.

Siunnersuut Naalakkersuisut kommunalbestyrelsillu attartortunut neqerooruteqarnissamut innuttaasullu allat inissiamik nammineq pigisamik pissarsinissaannut annertunerusumik periarfissiissapput. Peqatigisaanik attartortitsineranut pisortat inissiaataat annikillissallutik.

Ataqqinninnermik tulleriiarinermullu uppernarsaammik Naalakkersuisut kommunalbestyrelsillu nalunaaruteqarsinnaanerit pillugu siunnersuut inissianik attartortittakkanik allanngortinneqarsimasunik pisortanit taarsigassarsinikkut taarsigassarsinernut tamarmiusunut ingerlaavartumik tulluarsaanissamut pitsaanerulersitsinissamullu innuttaasunut periarfissiissaaq.

#### **7. Kingunerisassat pingaarnerit allat**

Naliliisoqarpoq siunnersuut pingaaruteqartunik allanik kinguneqassanngitsoq.

#### **8. Oqartussat kattuffiillu tusarniaaffiginerat**



Siunnersuut piffissami 17.08.2024-mit, 14.09.2024-mut Naalakkersuisut tusarniaanermut nittartagaanni tamanut tusarniutigineqarsimavoq, tamatumalu saniatigut tusarniaaffigisassanut toqqakkanut toqqaannartumik nassiunneqarsimalluni.

Tusarniaanernut akissutini tiguneqartuni pingaarnertut immikkoortut Ilanngussaq 2-mi taaqqinneqarput oqaaseqarfigineqarlutillu.

## Siunnersuummi aalajangersakkanut ataasiakkaanut nassuiaatit

### § 1-imut

Nr. 1-imut

§ 1-imut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 2-mut

§ 2-mut

Namminersornerullutik Oqartussat Namminersorlutik Oqartussanit taarserlugit, paragraffimi taaguutit nutarterneqassapput.

Nr. 3-mut

§ 3-mut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 4-mut (§§ 3 a - 3 d)

§ 3 a-mut aamma b-mut

Imm. 1-imut

Siunnersuutigineqarpoq Naalakkersuisut kommunalbestyrelsillu illumi attartortittakkami pioreersumi inissiat inissianut nammineq pigisanut allangortinnissaat pillugu aalajangiisinnaassasut. Piginnaatitsinermut ilaapput illut attartortittakkat attartukkamik ataatsimit amerlanerusunik inissiallit.

Allangortitsinissaq pillugu aalajangiineq illumik attartortooreersuniit qinnuteqaammik imaluunniit akuersisoqarnissaannik pisariaqartitsinngilaq. Illumi attartortittakkami pioreersumi inissiat inissianut nammineq pigisanut allangortinnissaat pillugu aalajangiinermut attartortooreersut akerliliisinnaanngillat.

Imm. 2-mut

Erseqqissarneqarpoq Naalakkersuisut kommunalbestyrelsilu pigittut peqatigiiffiannut naleqqiullugu inissianut nammineq pigisanut ataasiakkaanut tamanut atuuttumik piginnittut

peqatigiiffianni ilaasortanngussasut. Tamatuma kingunerisaanik Naalakkersuisut kommunalbestyrelsilu piginnittut peqatigiiffiannut naleqqiullugu pisinnaatitaaffeqarlutillu pisussaaffeqassapput.

Naalakkersuisut kommunalbestyrelsilu piginnittut peqatigiiffiata malittarisassaanut sinaakkutit iluanni piginnittup pisinnaatitaaffinik ingerlatsipput nalinginnaasumillu piginnittut peqatigiiffiannut akiliuteqartarlutik. Imermik, kiassarnermik imermillu kissartumik pilersuineq piginnittut peqatigiiffiatigut ingerlanneqarpat piginnittut peqatigiiffiannut naleqqiullugu tamatuma akilernissaanut Naalakkersuisut kommunalbestyrelsilu akisussaapput.

Inissiap nammineq pigisap iluata aserfallatsaaliornernanut naleqqiullugu piginnittut peqatigiiffiup malittarisassaatigut Naalakkersuisut kommunalbestyrelsilu piginnittut peqatigiiffiannut pisussaaffeqarnerat malittarisassaqartinneqarpoq.

### § 3 c-mut

Allannguutissatut siunnersuummi siunertaq tassaavoq pisortat inissiaataasa attartortittakkat inissianut nammineq pigisanut allanngortinnissaannut tunngavissamik pilersitsinissaq taamaalillunilu pisortat inissiaataat annikillisillugit.

Pisortat inissiaataasa attartortittakkat inissianut nammineq pigisanut allanngortinnissaat pillugu § 3 a naapertorlugu aalajangiineq inissiat nammineq pigisat tunineqarnissaat siunertaralugu pissasoq erseqqissarneqarpoq. Inissiat nammineq pigisat inissiani nammineq pigisani allanngortinneqartuni attartortuusunut ingerlaannartumik neqeroorutigineqassapput.

Inissiap nammineq pigisap pisiarinissaanut attartortut tamarmik neqeroorfiginissaannut ilaatigullu pisinermi akit aamma pisortat aningaasalersuinissamut neqeroorutaat pillugit paasissutissanik tunniussinissamut Naalakkersuisut kommunalbestyrelsilu pisussaaffeqarput.

§§ 10-12-mut innersuussinerup ilaatigut kingunerisaanik attartortoq inissiamik nammineq pigisamik allanngortitamik pisinissaq pillugu neqeroorummik akuersinissamut qaammatinik pingasunik periarfissaqarpoq kingusinnerusukkullu inissiap nammineq pigisap allanngortinneqartup pisiarinissaanut neqeroorummik nutaamik noqqaanissamut periarfissaqarluni. Innersuussinerup aamma kingunerisaanik, attartukkap inissiatut nammineq pigisatut tiginissaa pillugu nammineq qinnuteqarneratulli malittarisassat atuuttut malillugit tunisinermi aki aalajangersarneqassaaq.

Inissiat nammineq pigisat atorneqanngitsut pillugit siunnersuummi § 3 takuuk.

### § 3 d -mut

Imm. 1-2-mut

Illumi attartortittagaareersumi inissiat inissianut nammineq pigisanut allanngortinnerini attartortooreersut attartornermut atuuttut piumasaqaatit malillugit inissiami nammineq pigisami najugaqaannarsinnaapput.

Allanngortitsinerup kingunerinngilaa attartortup ineqarnermut akiliutaasa imaluunniit Namminersorlutik Oqartussanik imaluunniit kommunalbestyrelsimik attartorneq pillugu isumaqatigiissut malillugu pisinnaatitaaffiit pisussaaffiillu allat allanngortinnissaat. Assersuutigalugu ineqarnermut akiliutip naatsorsorneranut illullu iluata aserfallatsaaliorneqarneranut naleqqiullugu attartortup pisussaaffii allanngortinneqarnatik attartorneq pillugu isumaqatigiissummi aamma inissianik attartorneq pillugu inatsisinit atuuttunit malittarisassat atuutiinnassapput.

Imm. 3-mut.

Erseqqissarneqarpoq attartortoq piginnittut peqatigiiffiannit aalajangersarneqartut malittarisassanik malinninnissamut pisussaaffeqartoq. Malittarisassat piginnittut peqatigiiffiannit aalajangersarneqartut inissianik attartorneq pillugu Inatsisartut peqqussutaanni atuuttumi § 50-imut ilaasunut malittarisassanut assersuunneqarsinnaapput.

*§ 3 e -mut*

Imm. 1-imut

Pisortat inissiaataasa attartortittakkat inissianut nammineq pigisanut allanngortinnissaat pillugu § 3 a naapertorlugu aalajangiineq inissiat nammineq pigisat tunineqanmissaat siunertaralugu pissasoq erseqqissarneqarpoq. Inissiat nammineq pigisat atorneqanngitsut ingerlaannartumik tamanut ammasumik tuniniarneqassapput. Tamanut ammasumik tuniniaaneq assersuutigalugu illunik tuniniaasartut, eqqartuussissuserisut aqutugalugu pisinnaavoq imaluunniit nuna tamakkerlugu saqqummersartut tusagassiuutit kiisalu illoqarfimmi allagarsiinikkut pisinnaalluni. Allagarsiineq nittartakkani attuumassuteqartuni aamma assersuutigalugu Facebook aqutugalugu pisinnaavoq.

Inissianik atorneqanngitsunik tuniniaaneq niuerfimmi nalinut pissaaq taamaattorli inissiap annertussusaanut minnerpaamik 7.000 kr./m<sup>2</sup>-imut. Illuummi tamakkiisumik areali tassaavoq arealit ataatsimoortarfiit, teknikkeqarfik il.il. init angissusaat aallaavigalugit agguataarneqartoq ilanngullugit illup tamakkiisumik angissusaa.

Imm. 2-mut aamma 3-mut

Siunnersuutigineqarpoq Inatsisartuni Aningaasaqarnermut Akileraartarnermullu Ataatsimiititaliamiit aalajangersimasumik nalileereernikkut akuersisoqarneratigullu inissiat attartortittakkat allanngortinneqarsimasut niuernermi nalinga ataallugu minnerpaamillu akia ataallugu neqeroortitsisoqarsinnaasoq. Aalajangersagaq assersuutigalugu niuernermi nalimut

imaluunniit minnerpaamik nalimut inissiamut nammineq pigisamut neqeroorutigineqartumut neqeroorutini takkuttoqartinnagu atorpeqarsinnaavoq.

Naliliinermi oqimaaqatigiisinneqassaaq sumiiffimmi neqerooruteqartitsineq kiisalu tunisinermi, sumiiffinni ataasiakkaani nalinginnaasumik inissianut aningaasartuutitut naapertuunnissaat pingartinneqassaaq. Inissiami nammineq pigisami allannortinneqartumi inissiamut aningaasartuutit annertuumik annikillissinnerisa kingunerisaanik immikkut ittumik pilerisutsilernissaq pissanngilaq.

Imm. 4-mut.

Illup attartortakkap inissianut nammineq pigisanut allannortitsineq piffissap sivikitsup iluani sumiiffimmi ataatsimi inuit inissiaataannut inissiat nammineq pigisat amerlanerulernerinik kinguneqarsinnaavoq. Naalakkersuisut kommunalbestyrelsilu inissianik nammineq pigisanik atorpeqanngitsunik tamanut ammasumik neqerooruteqarnermut atatillugu, siunissami qaninnerusumi ungasinnerusumilu, inissianik nammineq pigisanik nutaanik tamakkiisumik ilaannakuusumilluunniit ilaneqarsinnaaneriniq nalilersuissapput.

Inissianik nammineq pigisanik allannortitanik atorpeqanngitsunillu neqerooruteqarneq annertuumik akinik niuerfimmi pilersitsisarnermut sunniuteqannginnissaa pingartinneqarsinnaavoq. Mianersortumik nalilersuisoqassaaq. Naalakkersuisut kommunalbestyrelsilu assersuutigalugu inissianik nammineq pigisanik atorpeqanngitsunik ataasiakkaarlugit imaluunniit amerlanngitsukkuutaarlugit neqerooruteqartarnissaq toqqarsinnaavaat tamatumalu inerneru utaqqimaarlugu.

Nr. 5-imut.

§ 4-mut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 6-imut

§ 5-imut

Namminersornerullutik Oqartussat Namminersorlutik Oqartussanit taarserlugit, paragraffimi taaguutit nutarterneqassapput.

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 7-imut

§ 6-imut

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 8-mut

§ 7-imut

Landsstyret Naalakkersuisunit taarserlugit, paragraffimi taaguutit nutarterneqassapput.

Ilanngullugu siunnersuutigineqarpoq, attartukkamik aalajangersaaneq kisiat pisussanngornagu attartornermut tunngasut ataatsimoortillugit aalajangersakkami pineqalersillugit, allannguinerup kingorna attartortup inatsisitigut inissisimaneq imm. 2-mi ersarissarneqassasoq.

Nr. 9-mut.

§ 9-mut

Namminersornerullutik Oqartussat Namminersorlutik Oqartussanit aamma Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 10-mut

§ 10-mut

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 11-mut

§ 11-mut

§ 11 imm. 1 aamma imm. 3 tassaapput § 11, imm. 1-imik aamma imm. 3-mik pioreersunik ingerlatitseqqinnerit.

Imm. 2 nutaajuvoq aamma attartortup inimik attartukkamik inissiatut nammineq pigisatut pisinerani tunisinermi akip annikillisinnaasaa pillugu manna tikillugu malittarisassat taarserlugit.

Imm. 1-imut

Pisortat inissiaataasa attartortittakkat inissianut nammineq pigisanut allanngortinneqarsimasunik tuniniaanermi tunisinermi akia aallaaviatigut niuernermit nalinganut aalajangersarneqassaaq, tak. tamanna pillugu § 12-mut siunnersuut. Taamaalilluni inissianik nammineq pigisanik allanngortinneqarsimasunik pisortat tunisinerisa sapinngisamik

namminersortuni inissianik nammineq pigisanik niuerfiusumi akinik pilersitsisarnermut sunniuteqannginnissaa.

#### Imm. 2-mut

Malittarisassat atuuttut naapertorlugit attartortut, inissiaminnik attartortittakkaminnik inissiatut nammineq pigisatut imaluunniit illumik nammineq pigisamik pisinermi ukiuni qanoq sivisutigisumik najorsimanera inissiallu angissusaa tunngavigalugu akitigut appartitsiffigineqarsinnaapput.

Siunnersuutigineqarpoq tunisinermi akip procentianik aalajangersimasumik appartitsisoqartassasoq. Siunnersuutigineqarpoq nalinginnaasumik tunisinermi akip 20 %-ianik appaasoqartassasoq. Najugaqarfinni illuummik qularnaveeqqusiilluni taarsigassarsisarfinnit aningaasalersuinissamut periarfissaqanngitsuni tunisinermi akip 30 %-ianik appaasoqartassasoq siunnersuutigineqarpoq.

#### Imm. 3-mut.

Inissiamik nammineq pigisamik imaluunniit illumik nammineq pigisamik tunisinermit atatillugu aningaasartuutit tamarmik matussusernissaannut, tassunga ilanngullugit illup nalilerneranut, siunnersortimut, eqqartuussissuserisumut naqissusiinermullu akiliutinut aningaasartuutit, pisisoq aningaasanik aalajangersimasunik 50.000 kr.-nik akiliissaaq. Aningaasat immikkoortitsinermit tunisinernullu atatillugu piviusumik aningaasartuutinut atassuteqanngillat. Aningaasat 50.000 kr.-t pisisumit akilerneqassapput. Taamaalilluni aningaasat aalajangersimasuupput, inissiamik nammineq pigisamik imaluunniit illumik nammineq pigisamik tunisinermit sumulluunniit tunisinermit akimut ilanngunneqartussat.

#### Nr. 12-imut

§ 12-mut § 12 atuuttusoq malillugu naliliineq attaviitsumit ilisimasalimmit ingerlanneqassaaq.

Siunnersuutigineqarpoq niuerfinni nalimik naatsorsuineq illunik pisinernik tunisinernillu isumaginnittartunit Kalaallit Nunaanni suliffeqarfimmik ingerlatsisumit illunik tuniniaasartunit naatsorsorneqassasoq. Ullumikkut nunatsinni illunik tuniniaasartunik suliffeqarfinnik arlalinnik peqarpoq. Naliliisoqarpoq illoqarfinni illunik tuniniaasartut inissianik attartortakkanik inissiatut nammineq pigisatut illutullu nammineq pigisatut tunineqartussat niuerfinni nalingannik naliliinissamut tulluarnersaasut.

#### Nr. 13-mut

§ 13-imut

Illumik attartukkamik inissiatut nammineq pigisatut pisisunut attartortunut tunisinermi akit nikingassutaannut qularnaveeqqusiissummut uppersaatip naapertuunnissaa pillugu tunngavimmik atuuttumik aalajangersagaq ingerlatitseqqippoq. Akit nikingassutaannut qularnaveeqqusiinissamut periarfissaqarneq siunnersuutigineqarpoq illuni inissiat nammineq pigisanik ataaseq sinnerlugu initallit inissiat nammineq pigisat ilaatinneqalissasut, tassa imaappoq illut affarleriit, illut uiguleriaat inissiallu quleriaat.

#### Imm. 1-imut

Inissiamik nammineq pigisamik attartortumut tuniniaanermi tunisinermi akimik appaasoqassaaq, tak. siunnersuummi § 11, imm. 2. Pisisoq appartitsinermut naapertuuttumik qularnaveeqqusiussaarluni taarsigassarsinermi allagartamik pisortanut atulersitsissaaq.

#### Imm. 2-mut

Qularnaveeqqusiussaarluni taarsigassarsinermi allagartaq Kalaallit Nunaanni Eqqartuussivimmi, Nalunaarsuiffittut allattuiffimmi illu pillugu quppernermi nalunaarsorneqassaaq. Akit nikingassutaannut qularnaveeqqusiissummut uppersaatip pisortanit kiisalu tunisinermi akip aningaasalersornissaanut aningaasalersuisarfinniit taarsiissutigineqartussat ataqqissavai.

Allatigut qularnaveeqqusiineq pillugu Kalaallit Nunaannut inatsimmi nalinginnaasumillu qularnaveeqqusiussaarluni taarsigassarsinermi allagartat pillugit malittarisassat atuupput.

#### Imm. 3-4-mut

Siunnersuutigineqarpoq 20 %-imik akit nikingassutaannut qularnaveeqqusiissut ukiuni tallimani ernialersorneqarnanilu akilersorneqassanngitsoq. Tamatuma kingorna akit nikingassutaannut qularnaveeqqusiissut ukiut 15-it ingerlanerini assigiimmik appartikkiartorneqassaaq. Akit nikingassutaannut qularnaveeqqusiissut taamaalilluni ukiut 20-t kingorna inaarutaasumik appartinneqarsimassalluni. Attartortoq inissiaminik attartukkamik inissiatut nammineq pigisatut pisisoq ukiuni 20-ni piginnittooreernermit akit nikingassutaannut qularnaveeqqusiissummut uppersaammit pituttugaajunnaassaaq.

Siunnersuutigineqarpoq 30 %-imik akit nikingassutaannut qularnaveeqqusiissut ukiuni qulini ernialersorneqarnanilu akilersorneqassanngitsoq. Tamatuma kingorna akit nikingassutaannut qularnaveeqqusiissut ukiut 15-it ingerlanerini assigiimmik appartikkiartorneqassaaq. Taamaalilluni tunisinermi akimi qaffasinnerusumik appartitsisoqarnissaa pingartinneqarpoq, pissutigalugu akit nikingassutaannut qularnaveeqqusiissummi tunisinermi aki ukiut 25-it kingorna inaarutaasumik appsimasussaammat. Attartortoq inissiaminik attartukkamik inissiatut nammineq pigisatut imaluunniit illumik nammineq pigisamik pisisoq ukiut 25-t kingorna akit nikingassutaannut qularnaveeqqusiissummut uppersaammit pituttugaajunnaassaaq.



Tunisinermi akip aningaasalersornerata naatsorsornera aamma qularnaveeqqusiussaqaqarnermi inatsisini salliutitsineq imatut assersuusiornikkut takutinneqarsinnaavoq:

Illumi attartortittakkami inissiaq pingasunik inilik 965.000 kr.-nik naleqarpoq. Illu najugaqarfimmiippoq illuummik qularnaveeqqusiilluni taarsigassarsisarnikkut pissarsiarineqarsinnaasumiippoq. Illup tunininerani nalinga 20 %-imik appartinneqarpoq.

Tuninerani akia	kr. 965.000
20 %-imik appartitsineq	kr. -193.000
Suliami aningaasartuutit	kr. + 50.000

Inaarutaasumik tunisinermi aki kr. 822.000

Tunisinermi akip aningaasalersornissaanut 40 %-imik imaluunniit 328.800 kr.-nik pisortat taarsigassarsisitsinnaapput. Ukiuni 20-ni taarsigassarsiat ernialersugaanatillu akilersugassaangillat, tamatuma kingorna ukiut 15-it ingerlanerini taarsigassarsiat akilersorneqassapput. 60 %-it sinneruttut, tassa 493.200 koruunit tunisisumut akilerneqassapput. Sinneri 60 %-it illuummik qularnaveeqqusiilluni taarsigassarsisarfimmi aamma aningaaserivimmi taarsigassarsinikkut aningaasalersorneqassapput.

Qularnaveeqqusiinermi inatsisitigut salliutitsinikkut inissisimaneq imaalissaaq:

Siullertut salliutitaq: Tunisinermi inaarutaasumik akip 60 %-ia pisisumit aningaasalersorneqassaaq (tassa 493.200 kr.-t)

Tulliatut salliutitaq: Tunisinermi inaarutaasumik akip 40 %-ia pisortanit aningaasalersorneqassaaq (tassa 328.800 kr.-t)

Pingajuattut salliutitaq: aningaasarsiorneqassaaq pissutsinut qularnaveeqqusiussaqaarluni taarsigassarsinermi allagartaq, tunisinermi akimi appaanermut naapertuuttoq (193.000-it)

Imm. 5-imut

Akit nikingassutaannut qularnaveeqqusiissummut uppernarsaat malillugu piginnittut nikinnerini tamatigut aningaasat akilerneqartartussaapput.

Tamatumunnga ilaatinneqanngitsoq pingaarutilittulli aalajangersarneqarpoq piginnittut nikinnerat toqusoqarneranut atatillugu pisimappat akit nikingassutaannut qularnaveeqqusiissut akilerneqartussanngussanngilaq, tassa imaappoq toqusoqarnerani pisortat namminersortullu suliarinninnerannut atatillugu kingornussinikkut imaluunniit kingornussinnginnikkut kingornussinermi. Inissiaq nammineq pigisaq taamaalilluni kimulluunniit kingornussassanngortinneqarsinnaavoq, aningaasat akiligassanngortinnagit.

Aalajangersakkap matuma saniani aappaasoq qimagaasoq pigisat nikisinnagit piginnarsinnaavai, tassa pigisat nikisinnagit piginnarnerini piginnittut nikinnerattut isigineqarneq ajormata.

Taamaattorli aappaasoq qimagaasoq piginnittup toquneranut atasumik akit nikingassutaannut qularnaveeqqusiissut akiligassanngortillugu inissiamik nammineq pigisamik tunisisinnaanngilaq, tassa taamatut pisoqarnerani tuniseqqinneq piginnittup toquneranut atatillugu pisutut isigineqanngimmat.

Piginnittut nikinneranni akit nikingassutaannut qularnaveeqqusiissutip akiligassanngunnginneranut ilaatinneqanngitsoq alla tassaavoq averusernermut imaluunniit avinnermut atatillugu aappariit imaluunniit aappariittut nalunaarsugaasimasut akornanni pisimappat.

Pisumi tassani aningaasannanniartoqarneq ajorpoq, pisorlu taamaattumik toqusoqarneranut atatillugu piginnittut nikinnerannut assersuunneqarluni.

Imm. 6-imut

Akit nikingassutaannut qularnaveeqqusiissutip isumakkeerutiginera pillugu malittarisassanik Naalakkersuisut aalajangersaanissaannut aalajangersagaq pisinnaatitsivoq.

Aalajangersagaq ilanngunneqarpoq, assersuutigalugu nunap ilaani sumiiffimmilu ineqarnikkut pissutsit pissutigalugit akit nikingassutaannut qularnaveeqqusiissummut uppersaatiq atuuffissaa tamakkerlugu aalajangiussimaneqartariaqarnani.

Inuiaqatigiinni aningaasarsiornikkut pissutsit allanngorneri, erniani akileraarutit nalingisa allanngorneri, aningaasarsiornikkut kinguariarneq imaluunniit sumiiffimmi niuernikkut pissutsit inissiamut nammineq pigisamut akit nikingassutaannut qularnaveeqqusiissummut uppersaatiq niuerfimmi akit allanngornerinik tunngavilersorneqarsinnaapput.

Akit nikingassutaannut qularnaveeqqusiissummut uppersaammik tamakkiisumik ilaannakuusumilluunniit matussusiinnaasumik inissiami nammineq pigisami imaluunniit illumi nammineq pigisami tunisinermi akip anguneqarsinnaannginnerat uppersarneqarsinnaappat aningaasannanniarnissamut tunngavissaqassanngilaq. Taamaattumik akit nikingassutaannut qularnaveeqqusiissummut uppersaatiq atatiinnarnissaanut pissutissaqassanngilaq.

Akit nikingassutaannut qularnaveeqqusiissummut uppersaammik tamakkiisumik ilaannakuusumilluunniit atorunnaarsitsinikkut aningaasannanniarnarup pinngitsoortinnissaa sakkukillineqanngippat piginnaatitsineq taamaallaat atorneqarsinnaavoq.

Nr. 14-imut

§ 14-imut

Landsstyret Naalakkersuisunit taarserlugit, paragraffimi taaguutit nutarterneqassapput.

Nr. 15-imut

§ 14, imm. 3-mut

Aalajangersakkamut ilaapput pissutsit najugaqarfimmi aalajangersimasumi nalinginnaasumik illuummik qularnaveeqqusiilluni taarsigassarsiffiuneq ajortut. Pisisumi pissutsit illuummik qularnaveeqqusiilluni taarsigassarsinissamut itigartitsinissamut tunngavissaqartillugu aalajangersagaq atuutissanngilaq.

Najugaqarfimmi aalajangersimasumi inissiamik nammineq pigisamik imaluunniit illumik nammineq pigisamik pisinerup aningaasalersornissaanut illuummik qularnaveeqqusiilluni taarsigassarsinissaq anguneqarsinnaanngippat inissiamik nammineq pigisamik imaluunniit illumik nammineq pigisamik pisineq aningaaserivimmi taarsigassarsinikkut aningaasalersorneqarsinnaassaaq. Aningaaserivimmi taarsigassarsineq amerlanertigut qaffasinnerusumik erniaqartinneqartarpoq piffissamilu sivikinnerusumi akilersorneqartarlutik. Allatut oqaatigalugu tamatuma kingunerissavaa qaammammut akiliutit qaffasinnerusut.

Siunnersuutigineqarpoq taamatut pisoqartillugu attartortoq tunisinermi akip 50 %-ianut pisortanit taarsigassarsinnaassasoq. 40 %-imiit 50 %-imut qaffaaneq tunisinermi akimik 20 %-imiit 30 %-imut appaanerup qaffanneranut atatillugu isigineqassaaq.

Inoqarfimmi inissiamik nammineq pigisamik pisinerup aningaasalersornissaanut illuummik qularnaveeqqusiilluni taarsigassarsinissaq anguneqarsinnaanngippat inissiamik nammineq pigisamik pisineq aningaasarsiornikkut pissutsinut qularnaveeqqusiussaqaarluni taarsigassarsinermi allagartamik 30 %-imik, pisortani 50 %-imik taarsigassarsinikkut aningaaserivimmilu 20 %-imik taarsigassarsinikkut aningaasalersorneqarsinnaassaaq.

Siunnersuutigineqarpoq aningaaserivimmi taarsigassarsiat piffissami akilersortarnerinut naapertuuttumik pisortanit taarsigassarsiat ukiuni qulini ernialersorneqarnatillu akilersorneqassanngitsut. Aningaaserivimmi taarsigassarsiat akilerneqarsimalerpata pisortanit taarsigassarsiat akilersorneqalissapput soorlu aamma aningaasarsiornikkut pissutsinut qularnaveeqqusiussaqaarluni taarsigassarsinermi allagartap appartikkiartornera aallartissasoq.

Aalajangersimasumik suleriaaseq malillugu ernialersorneqanngitsumik pisortat taarsigassarsinerat akileraarutaasusnaanngitsutut isigineqarpoq, ernialersuinnginnerup qanoq naleqarsinnaanera apeqqutaatinnagu.

Taamaaqataanik naatsorsuutigineqarpoq akit nikingassutaannut qularnaveeqqusiisummut uppersaatini atsiorneqarnerminni angissusiannik appaaneq akileraarutaasusnaanngilaq.

Nr. 16-imut

§ 14 b-mut

Imm. 2-mut

1 procentpointimik ilallugu kingumut ernialiinermi erniap Naatsorsueqqissaartarfiup atuisunut akigititanut naleqqersuutaanik tunngaveqassasoq siunnersuutigineqarpoq. Ernialiinermut erniap Nationalbankip ernialiinerani massakkut atorneqartumik tunngaveqartup aningaasat naleerukkiartornerannut akerliussanngitsoq pingaartinneqarpoq.

Nr. 17-imut

§ 14 c-mut

Aalajangersagaq nutaajuvoq. Aalajangersakkami siunertaavoq inuusuttut 30-t tikillugit ukiullit tamanut ammasumik tuniniarneqartunik inissianik nammineq pigisanik allanngortinneqarsimasunik atorneqanngitsunillu pisinissamut periarfissaasa pitsaanerulersinnissaat.

Siunnersuutigineqarpoq inuusuttut 30-t tikillugit ukiullit, inissiamik nammineq pigisamik allanngortinneqarsimasunik atorneqanngitsunillu tamanut ammasumik tuniniarneqartunik pisisut attartortunut sanillinneqassasut. Inuusuttut 30-t tikillugit ukiullit attartortut inissianik attartukkanik allanngortinneqarsimasunik pisisunut piunarsaatit assigalugit akimik appaaffigineqarlutillu pisortanit aningaasalersuisoqarnissaanik pissarsisinnaassasut.

Imm. 2-mut

Inuusuttoq 30-t tikillugit ukiulik inissiamik nammineq pigisamik imaluunniit illumik nammineq pigisamik piginnittooreerpat imaluunniit piginneqataareerpat pisortat aningaasaleeqataaffigisaanik inissiamik nammineq pigisamik pineqartoq pisinnaangilaq.

Tunisinermi akip appartinnissaanut pisortallu aningaasaleeqataannissaannut inuusuttut piginnaatitaaffeqalernissaannut piunarsarineqarpoq inissamut nammineq pigisamut pisinermi akip niuerfimmi akinit qaffasinnerunnginnissaat, tak. siunnersuummi § 12. Pisinermi aki niuerfimmi nalimit qaffasinneruppat pisineq pisortat aningaasaleeqataatinnagit nalinginnaasumik niuernertut aningaasalersorneqartariaqarpoq. Taamaalilluni pingaartinneqarpoq inuusuttut 30-t tikillugit ukiullit pisortat aningaasaleeqataanerisigut niuerfimmi nali qaangerlugu pisinermi akimik neqeroorfigineqarsinnaanngitsut.

Nr. 18-imut

§ 14 d-mut

Siunnersuutigineqarpoq qularnaveeqqusiussaqaarluni taarsigassarsinermi allagartat, akit nikingassutaannut qularnaveeqqusiissummut uppersaatit aamma akiitsunut allagartat,

inissianik nammineq pigisanik illunillu nammineq pigisanik allanngortinneqartunik pisortat tunisinerinut atasumik pisortanut atulersinneqartut tunisinernut, taarsigassarsianut sallunaveeqqutitut imaluunniit akiligassaqaarfiit malersornerinut atorneqassanngitsut.

Qularnaveeqqusiinermut allagartaq ilumoortoq tammartuussagaluarpas akiligassalik qularnaveeqqusiinermut allagartaq naapertorlugu allanngussanngitsaq qularnaarneqartussaavoq, taamaammallu pisortani oqartussa qularnaveeqqusiinermut allagartami erseqqissarneqartoq pineqaannartussaavoq.

Aaqqissuussinerup inatsisitigut inerteqqutaanngitsup Kalaallit Nunaanni Eqqartuussiviup qularnaveeqqusiinermut allagartat tammartut pisortanut tunniunneqartut pisortani oqartussap uppernanngitsumik uppernarsaanera tunngavigalugu peerneqarsinnaassasut nalilerneqarpoq, tamakkumi nalunaarsuinerup malittarisassa (registrettingsprotokollen) naapertorlugu qularnaveeqqusiinermut allagartanut tammartunut pisinnaatitaaffiuvoq. Aaqqissuussineq manna taarsigassarsititsisarfinni qularnaveeqqusiussaqaarluni taarsigassarsinerup allagartat tammartut suujunnaarsittarnissaat eqqarsaatigalugu Danmarkimilu pigisanik nalilersuinerup inatsimmi § 11, imm. 2-mik atuuttumik atuisarnissamut tunngavigalugu suleriaaserineqartumut Kalaallit Nunaanni Eqqartuussivimmit akuerineqartumut naapertuuttussaavoq.

Nr. 19-imut

§ 15-imut

Namminersornerullutik Oqartussat Namminersorlutik Oqartussanik taarserlugit, paragraffimi taaguutit nutarterneqassapput.

Nr. 20-mut.

§ 16-imut

Aalajangersakkap inuit akornanni piginnittut nikinneri ilaatinngit pisortanit taarsigassarsiat piginnittut nikinnerini akiligassanngortittarneri pillugu tunngavimmik ingerlatitseqqippoq. Malittarisassatut nutaatut siunnersuutigineqarpoq piginnittut nikinnerannik 15 %-imik akiliut akilerneqartassasoq. Siunnersuut Illuliortiternernut aningaasalersuineq pillugu Inatsisartut peqqussutaanni malittarisassat taamaaqataannut naapertuuppoq.

Imm. 1-imut

Pisortat piginnittut nikinneri pillugit tamatigut ilisimatinneqartassapput. Aalajangersagaq tassaavoq malittarisassa, taamaalilluni qularnaveeqqusiussaqaarluni taarsigassarsinerup allagartaq naapertorlugu akiitsortitut kina isigineqassanersoq ataavartumik paasisaqarnissa qulakkeerneqaarluni tassungalu ilanngullugu piginnittut nikinnerini akiliummik

akiliisoqassanersoq imaluunniit qularnaveeqqusiusaarluni taarsigassarsinermi allagartaq akiligassanngorsimanersoq.

Pisortat taarsigassarsisitsinerat aallaaviatigut piginnittut nikinnerini akilerneqartussanngortarpoq. Aalajangersagaq piginnittut nikinnerinut tamanut atuuppoq. Inatsisartut peqqussutaat manna imaluunniit siusinnerusukkut inatsisit naapertorlugit taarsigassarsiaqareersimasut inuit akornanni piginnittut nikinnerini taamaallaat pisortanit taarsigassarsiat akiligassanngussapput.

Piviusumik illumik tunisisup qulakkeertarpaa pisortat taarsigassarsisitsisutut akiitsortit pisortatigoortumik nikinnerinik akuersaarnissaat taamaalillunilu qularnaveeqqusiusaarluni taarsigassarsinermi allagartaq naapertorlugu akisussaajunnaarnermut uppersaassalluni.

Tamanna pisisup akiitsunik tigusinerminik nalunaaruteqarfigisaanik, taarsigassarsisitsisup akuerisaanik qularnaveeqqusiusaarluni taarsigassarsinermi allagartamut ilassuteqarnikkut amerlanertigut pisarpoq. Piviusumik pisisoq illumi siunissami qularnaveeqqusiinerup akuerineqarnera pillugu pisortanut aamma qinnuteqassaaq.

Taamaaqataanik pisortani taarsigassarsiat tiguneqarsinnaaneri imaluunniit Kalaallit Nunaanni Eqqartuussivimmi nalunaarsuinernik allattuiffimmi inissiaq pillugu allagartami nalunaarsugaajunnaarnissaa pisisumit qulakkeerneqartussaalluni.

Imm. 2-mut

Siunnersuutigineqarpoq piginnittut nikinnerini tamani pisortani taarsigassarsiani taarsigassarsiat atsiorneqarnerminni angissusiisa 15 %-iinig piginnittut nikinnerini akiliut akilerneqartassasoq. Taarsigassarsiat atsiorneqarnerminni angissusiat tassaavoq qularnaveeqqusiusaarluni taarsigassarsinermi allagartap aallaqqaammut annertussusaa.

Akiitsut akilersuinikkut appartinneqaraluartut taarsigassarsiat atsiorneqarnerminni angissusiat tunngavigalugu piginnittut nikinneranni akiliut naatsorsorneqassaaq.

Piginnittut nikinnerini akiliummik akiliineq tassaavoq inissiamik pisisup pisortat taarsigassarsisitsinerannik tigusinerani piumasaqaataasoq taamaalillunilu tunisisoq taarsigassarsisitsineranniit peqataajunnaarsinneqarluni. Piviusumik tunisisoq piginnittut nikinnerannik akitsuummik pisortanut akiliissaaq. Taarsigassarsiat atsiorneqarnerisa angissusiata appartinneqarnera pillugu aamma piginnittut nikinnerini akiliutip akilerneqarnerata kingorna taarsigassarsiat sinnerinik pisisup taarsigassarsianik tigusinerani qularnaveeqqusiinermi allagartamik pisortat uppersaassapput.

Imm. 3-mut.

Imm. 3-mi piginnittut nikinnerini taarsigassarsiat annertussusaat imaluunniit pisortat taarsigassarsisitsineranni annerpaamik ataqqisassaat aalajangersarneqarpoq. Piginnittoq nutaaq nutaanik taarsigassarsisinnaavoq imaluunniit siusinnerusukkut piginnittup taarsigassarsiaanut inississinnaalluni.

Erseqqissarneqarpoq siuliani taarsigassarsiat annerpaat naatsorsorneranni niuernermi aningaasartuutit ilanngullugit naatsorsorneqassasut. Niuernermi aningaasartuutitut ilaapput illumik pisinnermut atasut aningaasartuutaasartut.

Tassaniipput eqqartuussissuserisumit ikiorneqarneq, piginnittuunermi uppersaamma aamma qularnaveeqqusiinermi allagartanik naqissusiinermi akitsuutit kiisalu aningaaserivimmi aamma illuummik qularnaveeqqusiilluni taarsigassarsisitsisarfimmi taarsigassarsinermi aningaasartuutit assigiinngitsut. Manna tikillugu suleriaatsit malillugit inissianut nalinginnaasunut niuernermi aningaasartuutit ataqqineqartut 100 – 150.000 kr.-nik qaffasissuseqartarput. Inissianut akisunerusunut niuernermi aningaasartuutit taamaattoq 150.000 kr.-t sinnersinnaavai.

Nr. 21-mut

§ 16 a-mut

Pisortat taarsigassarsisitsinerini nalinginnaasumik akiliiffissanut tunngavik aalajangersakkami ingerlateqqinneqarlunilu annertusineqarpoq. Siunnersuut inatsisartut peqqussutaanni atuuttumi § 16, imm. 3-mut naapertuuppoq. Imm. 1-imi nr. 2-3 akiliisoqarnissaanut tunngaviusutut nutaatut ikkunneqarput.

Imm. 2-mi inatsisitigut pisinnaatitaasunut pisussaataitaasunullu attartortitsineq pillugu aalajangersagaq ikkunneqarpoq.

Aalajangersakkami taarsigassarsiat qanoq ilinerani akiligassanngortinnissaannik malittarisassaqaartitsivoq. Taarsigassarsiat akilerneqartussanngortinneqarpata, tamanna isumaqarpoq taarsigassarsisoq taarsigassarsiat tamaasa ataatsikkoortillugit akilernissaannut pisussaaffeqartoq. Piumasaqaat nalinginnaasumik akiliisitsiniarnermut tunniunneqassaaq.

Imm. 1-imut

Nr. 1-imut

Pisortat taarsigassarsisitsinerini qularnaveeqqutitut atulersinneqartuni qularnaveeqqusiussaqaarluni taarsigassarsinermi allagartani taarsigassarsinnermut piumasaqaatinik pisortat ikkussisinnaapput taamaalillutillu piumasaqaatinik sumiginnaanerit akileeqqusinermik kinguneqarsinnaallutik.

Nr. 2-mut Inissianut taarsigassarsisitsisoqartillugu peqatigisaanik inissiani qularnaveeqqusiisoqaarluni taarsigassarsisoqarsimatillugu inissiap illersorneqarsinnaasumik

aserfallatsaaliornissaanut taarsigassarsisoq pisussaaffeqartarpoq. Taarsigassarsisoq illup ilaanik tamanna pisariaqartillugu akulikitsumik taarsiisassaaq imaluunniit iluarsaasassaaq, assersuutigalugu qaliaq ussiittoq imaluunniit igalaat ussiittut taarserlugit imaluunniit iluarsaallugit.

Aammattaaq taarsigassarsisoq inissiamik aaqqissugaasumik aserfallatsaaliuissaaq, assersuutigalugu illup silataa pisariaqarnera naapertorlugu akulikitsumik qalipattarlugu.

Inissiani nammineq pigisani silataani aserfallatsaaliinerit illullu ilaani ataatsimoorussani aserfallatsaaliinerit piginnittut peqatigiiffianit isumagineqartarput.

Nr. 3-mut

Ikuallattoornissamut illullu ajoqusersinnaaneranut inissiamik sillimmasiinermit akiligassanik akiliinngitsoorneq akiliinissamut tunngaviuvoq, tassa sillimmasiinermit akiligassanik kinguaattoornerit pisortat qularnaveeqqusiinerata nalinganut annertuumik aarlerinartorsiorititsimmata. Ikuallattoornissamut illullu ajoqusersinnaanermullu sillimmasiinermit ilaapput ileqqusumik sillimmasiineq, illup ikuallattoornermit illullu ajoqusersinnaaneranut sillimmasiiffiusartoq. Inissiani nammineq pigisani ikuallattoornissamut illullu ajoqusersinnaanermullu sillimmasiineq piginnittut peqatigiiffianit isumagineqarlunilu akilerneqartarpoq.

Nr. 4-mut

Inissiamik nammineq pigisamik imaluunniit illumik nammineq pigisamik namminersortumit pigineqartumik attartornermit inatsisinut qaqugukkulluunniit atuuttunut akerliusumik inuup pigisaanik inissiamik taarsigassarsiffiusimasumik attartortitsineq akiliinissamut tunngaviuvoq. Attartornermit inatsisit malillugit qaffasinnerusumik attartornermit akiliuteqartitsineq taamaalilluni assersuutigalugu akiliinissamut tunngaviuvoq.

Nr. 5-imut

Pisortanit taarsigassarsiat kingunerisaannik inissiap nammineq pigisap imaluunniit illup nammineq pigisap najugaqarfittut pinnani siunertanut allanut taarsigassarsisumit imaluunniit attartortumit taassumalu inoqutigisaanit atorneqarsinnaannginnera erseqqissarneqarpoq.

Inissiamik nammineq pigisamik imaluunniit illumik nammineq pigisamik pisinermut pisortaniit taarsigassarsiffiusimasumiit illumiit inuussutissarsiuutinik ingerlatsisoqarsinnaanngilaq. Inuussutissarsiummi pineqartoq tassaavoq, inissiaq suliffeqarfittut inuussutissarsiorfittut atorneqassasoq, matumani suliffeqarfik sinneqartoorfiulluni imaluunniit amigartoorfiulluni ingerlanneqarnerisooq apeqqutaanani. Taamaammatt inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiarineqartut akiligassanngortinneqartussaapput.



Inissiami najugallip taassumalu inoqutigiivisa inissiamit inuussutissarsiummik mikinerusumik ingerlatsisinnaanerat matumani mininneqarpoq. Inissiaq annerusumik najugaqarfittut atorneqarneranik pisortat nalilersuilluartussaapput. Nalinginnaasumik inissiami inuussutissarsiummut mikisumik namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut mikinerusunut namminersorfiusunut assersuutitut taaneqarsinnaapput kukknersiuinermi allaffik mikinerusooq imaluunniit ussasaarinermi allaffik, sullitattut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passussisoq, illup tamakkiisumik arealianit annikinnerusooq inuussutissarsiorfinngorlugu pisuni tamani.

Inissiap, soorlu unnuiffiullunilu ullaakkorsiortarfittut, airbnb-itut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaassusaanngilaq. Taamatut atuineq inuussutissarsiutigalugu suliffeqarfittut isikkoqanngilaq inuussutissarsiutillu namminersortutut mikinerusutut isigineqarnani.

Nr. 6-imut

Tunniussinerup nalunaarutigineqarnissaanik aalajangersagaq qulakkeerinneqataavoq, tunniussinermilu piffisamat atatillugu.

Imm. 2-mut

Inuup inissiaanik inatsisitigut pisinnaatitaasumik pisussaatitaasumullu attartortitsineq attartorneq pillugu inatsimmut atuuttumut ilaanngilaq. Imm. 2-mut siunnersuutip kinguneraa inissiat taarsigassarsiffiusut, aamma inatsisitigut pisinnaatitaasunut pisussaatitaasunullu attartortitsinermi attartorneq pillugu inatsit atuuttoq naapertorlugu attartornissamat pisussaaffeqarnerat. Attartorneq pillugu inatsimmut qaqugukkulluunniit attuuttumut akerliusumik piumasaqaateqarluni inissiap inatsisitigut pisinnaatitaasumut pisussaatitaasumullu attartortitsineq akiliinissamat tunngaviuvoq. Attartornermi inatsisit malillugit qaffasinnerusumik attartornermi akiliuteqartitsineq taamaalilluni akiliinissamat tunngaviuvoq.

§ 16 b-mut

Inissianik nammineq pigisanik imaluunniit illunik nammineq pigisanik allanngortinneqartunik pisinermi pisortat taarsigassarsisitsinerat taarsigassarsiat allanngortinnerini aamma inissiap ilaata akiitsoqarfiunngitsup qularnaveeqqusiunneranut atasumik inissiamik piginnittut taarsigassarsiassanngortussat ataqqissagai siunnersuutigineqarpoq.

Imm. 1-imut.

Pisortani taarsigassarsititsisut taarsigassarsiat pioreersut allangortinnerannut imaluunniit allatut pingaarnersiuffiginerannut ilaasumik taarsigassarsianut siulianiittunut inissiamik piginnittumiit taarsigassarsiarineqartunut tulleriarinermik ataqqinninnerlu uppersaasinnaanissaat siunnersuutigineqarpoq.

Aalajangersagaq pisortani taarsigassarsititsisunut piginnaatitsissutaavoq. Pisortani taarsigassarsititsisut taarsigassarsiaaersunut tulleriarinermik ataqqinninnermillu uppersaasinnaannut inissiamik piginnittoq inatsisitigut piumasaqarsinnaanngilaq. Tamanna pisortani oqartussap suleriaasianik pisariaqarsimappallu taarsigassarsiaaersunut oqartussap qanoq annertutigisumik tulleriarinermik ataqqinninnermullu uppersaasinnaaneranik tunngaveqarpoq.

Imm. 2-mut

Pisortat taarsigassarsianut siulianiittunut tulleriarinermut ataqqinninnermullu qummut killissarititaat ima naatsorsuiffigineqassapput pisortani taarsigassarsiarineqartut akit nikingassutaannut qularnaveeqqusiissummut uppersaammik tamakkulu inissianut ukiut 20-t ataallugit pisoqaassusilinnut massakut niuerfinni inissiap nalingata 90 %-iata iluaniittunut tunngapput. Inissianut ukiut 20-t sinnerlugit pisoqaassusilinnut qummut killissarititaq inissiap massakut niuerfinni nalingisaata 80 %-ianiippoq.

Inissiamik piginnittup taarsigassarsiaanut nutaanut pisortat taarsigassarsititsinissaat sioqqullugu pingaarnersiuffigineqartunut qummut killissarititaq ilanngunneqarsimavoq, illuummi pisortanit taarsigassarsititsiffiusumi sulii akit nikingassutaannut qularnaveeqqusiissummut uppersaammik qularnaveeqqusiisoqartarnissaata qulakkeernissaa anguniarlugu.

Taarsigassarsiaaersut nalingata naatsorsuiffiginissaani qularnaveeqqusiinermut allagartap massakut pingaarnertut atuuffia atorpeqassaaq, matumani pingaarnertut akiligassaqarfimmi akilersuutaasinnaasut eqqarsaatiginagit. Piginnittup qularnaveeqqusiinermut allagartaatai akiitsut pinngorsimasut eqqarsaatiginagit qularnaveeqqusiinermut allagartap massakut nalinga ilanngullugu naatsorsuiffigineqassaaq.

Pisortat taarsigassarsiaaersunut tulleriarinermut ataqqinninnissamullu uppersaasinnaanngillat pingaarnertut akiligassaqarfik pineqartumut assersuutigalugu akinik ingerlaavartumik nalimmassaanernut imaluunniit ernialersuinernut iluarsinissaanut atorpeqarsimappata.

Imm. 3-mut

Pisortanit taarsigassarsiarineqartut inissiami akit nikingassutaannut qularnaveeqqusiissummut uppersaammik taarsigassarsianut allaniittunut imaluunniit kingusinnerusukkut pisunut

tunngatillugu pingaarnersiuinikkut allanngortinnagit qulakkeerneqassapput. Akerlianik tullerriiarinissat ataqinninnissallu pisortat pingaarnersiunerannut ajornerulernerannik kinguneqartussaapput.

Taamaammat pisortat tullerriiarinissaanni ataqinninnissaannilu taarsigassarsiat allat kinguneruttullu atorlugit assinganik tullerriiarinissamut ataqinninnissamullu uppersaanissaat apequtaassasut siunnersuutigineqarpoq.

Imm. 4-mut.

Illup pisoqaassusaa sananerani atuutilersitsinissamut akuersissummut ulluliunneqartoq tunngavigalugu aalajangersarneqassaaq. Illup kingusinnerusukku allilerneqarsimanera, iluarsaanneqarsimanera imaluunniit pingaarnertut iluarsartuunneqarsimanera matumani eqqarsaatigineqassanngillat.

Imm. 5-mut

Inissiap massakku niuerfinni nalinganik naleqquttumik nalilersuinissaq anguniarlugu illunik tuniniaasartuniit nalilersuineq pissarsiarineqassaaq, taannalu illuutini aalajangersimasunik najugassatut pisisarnermik tuniniaasarnermillu suliaqarlutik Kalaallit Nunaanni suliffeqarfimmik ingerlatsisuussaaq.

Nalilersuineq pisarnertut piumasagaatit malillugit nangaassuteqarnani, piumasagaatitaqarnani imaluunniit inniminniisoqarnani aningaasat atorlugit tuniniaanertut ingerlanneqassaaq.

Nr. 22-mut

Ilanngussaq 2 inatsisartut peqqussutaannut massakku atuuttumut tunngassuteqarpoq, siunnersuullu akuerineqassappat pisariaarutissalluni.

#### *§ 2-mut*

Imm. 1-imut

Siunnersuutigineqarpoq allannguutissatut siunnersuut 1. januaarip 2025 atuutilissasoq.

Imm. 2-mut

Piffissaq sioqqullugu taarsiinissamik qinnuteqaat allannguutissatut siunnersuutip atuutilerana sioqqullugu pisortanut nassiunneqartoq tamanna pillugu qinnuteqarfiusumi malittarisassat atuuttut tunngavigalugit suliarineqartassaaq.

Taarsigassarsisoq pisortanit taarsigassarsiaritinneqartut ukiut tallimat qaangiunnerisigut aatsaat piffissaq sioqqullugu akiliinissamik siusinnerpaamik qinnuteqaammik

tunniussisinnaavoq. Pisortanit taarsigassarsiaritinneqartut assersuutigalugu ullormi 1. marts 2020 tunniunneqarsimappata piffissaq sioqqullugu akiliinissamik qinnuteqaat siusinnerpaamik ullormi 1. marts 2025 nassiunneqarsinnaassaaq. Qinnuteqartoq assersuutigalugu ullormi 31. december 2024 qinnuteqaammik nassiussinermi malittarisassat atuuttut malillugit piffissami qinnuteqarfiusumi qinnuteqaatini suliaritissinnaassanngilaa.

## Ilanngussaq 1

<b>Siunnersuut inatsisinut atuuttunut assersuullugu</b>	
<i>Oqaasertaliunneqartut atuuttut</i>	<i>Siunnersuut</i>
<p><b>§ 1.</b> Peqqussut manna inuk attartortoq pineqartillugu Namminersornerullutik Oqartussat kommunillu inissiaataannik attartortittakkanik agguataarinermut tigusinermullu atuutsinneqassaaq, taamaattorli tak. imm. 2 aamma § 3.</p> <p><i>Imm. 2.</i> Imm. 1 taamaallaat inissiaatinut attartortittakkanut, Naalakkersuisut imaluunniit kommunalbestyrelsip inissiatut imaluunniit illutut nammineq pigisatut agguataarneqarsinnaasutut tiguneqarsinnaasutullu aalajangersimasaannut atuutissaaq.</p>	<p style="text-align: center;"><b>§ 1</b></p> <p><b>1,</b> § 1 ima oqaasertalerneqassaaq;</p> <p>” <b>§ 1.</b> Una peqqussut inuk attartortoq pineqartillugu Namminersorlutik Oqartussat kommunillu inissiaataannik attartortittakkanik agguataarinermut tigusinermullu atuutsinneqassaaq, taamaattorli tak. imm. 2 aamma § 3.</p> <p><i>Imm. 2.</i> Imm. 1 taamaallaat inissiaatinut attartortittakkanut, Naalakkersuisut imaluunniit kommunalbestyrelsip inissiatut imaluunniit illutut nammineq pigisatut agguataarneqarsinnaasutut tiguneqarsinnaasutullu aalajangersimasaannut atuutissaaq.”</p>
<p><b>§ 2.</b> Namminersornerullutik Oqartussat kommunillu inissiaataat attartortittakkat, tak. § 1, imm. 1, tiguneqarsinnaapput:</p> <p>1) Inissiatut nammineq pigisatut, inissiaateqarfimmi attartortittakkat ataaseq sinnerlugu amerlassuseqarpata.</p> <p>2) Illutut nammineq pigisatut, inissiaateqarfimmi attartortittagaq ataasiuppat.</p>	<p><b>2.</b> § 2 ima oqaasertalerneqassaaq:</p> <p>” <b>§ 2.</b> Namminersorlutik Oqartussat kommunillu inissiaataat attartortittakkat, tak. § 1, imm. 1, tiguneqarsinnaapput:</p> <p>1) Inissiatut nammineq pigisatut, inissiaateqarfimmi attartortittakkat ataaseq sinnerlugu amerlassuseqarpata.</p> <p>2) Illutut nammineq pigisatut, inissiaateqarfimmi attartortittagaq ataasiuppat.”</p>
<p><b>§ 3.</b> Peqqussut atuutsinneqassanngilaq:</p> <p>1) Inissianut atorfimmumut atatillugu inigineqartussatut immikkoortitanut.</p> <p>2) Inissianut siunertanut aalajangersimasunut imaluunniit sulisorisat ilaannut atugassiaasunut.</p>	<p><b>3.</b> § 3 ima oqaasertalerneqassaaq:</p> <p>” <b>§ 3.</b> Peqqussut atuutsinneqassanngilaq:</p> <p>1) Inissianut atorfimmumut atatillugu inigineqartussatut immikkoortitanut.</p> <p>2) Inissianut siunertanut aalajangersimasunut imaluunniit sulisorisat ilaannut atugassiaasunut.</p> <p>3) Namminersorlutik Oqartussani pisortaatanut inissianut imaluunniit utaqqiisaasumik inissianut.</p> <p>4) Inissianut inissiaqarfinni sulisunut</p>

<p>3) Namminersornerullutik Oqartussani pisortaatitanut inissianut imaluunniit utaqqiisaasumik inissianut.</p> <p>4) Inissianut inissiaqarfinni sulisunut Namminersornerullutik Oqartussani imaluunniit kommunimi atorfeqartitaasunut atugassianut.</p> <p>5) Inissianut innarluutilinnut imaluunniit angallaruttunut immikkut atugassiatut sananeqarsimasunut aaqqissugaasunulluunniit.</p> <p>6) Inissianut iluarsartuussinermut isaterinermullu atatillugu Namminersornerullutik Oqartussat kommunilluunniit inisseeqqiffissanik pisariaqartitsinerat naammassiniarlugu atorneqartunut.</p> <p>7) Inissianut kommunalbestyrelsit isumaginninnermi inissaqartitsinissaannut atugassiaasunut.</p> <p>8) Inissianut najugaqarfittut atorneqarnermit allaanerusumut atorneqartunut.</p> <p>9) Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit.</p> <p><i>[Aaqq.: Inatsisartut inatsisaat nr. 26/2017-imi § 1-imi nr. 1-imi nr. 9 ilanngunneqarpoq']</i></p> <p><i>Imm. 2. Pisuni immikkut ittuni Naalakkersuisut kommunalbestyrelsiluunniit aalajangersinnaapput, inissiat imm. 1-imi nr. 5-imi taaneqartut ataasiakkaat peqqussummi matumani pineqartunut ilaatinneqassasut.</i></p>	<p>Namminersorlutik Oqartussani imaluunniit kommunimi atorfeqartitaasunut atugassianut.</p> <p>5) Inissianut innarluutilinnut imaluunniit angallaruttunut immikkut atugassiatut sananeqarsimasunut aaqqissugaasunulluunniit.</p> <p>6) Inissianut iluarsartuussinermut isaterinermullu atatillugu Namminersorlutik Oqartussat kommunilluunniit inisseeqqiffissanik pisariaqartitsinerat naammassiniarlugu atorneqartunut.</p> <p>7) Inissianut kommunalbestyrelsit isumaginninnermi inissaqartitsinissaannut atugassiaasunut.</p> <p>8) Inissianut najugaqarfittut atorneqarnermit allaanerusumut atorneqartunut.</p> <p>9) Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit.</p> <p><i>Imm. 2. Pisuni immikkut ittuni Naalakkersuisut kommunalbestyrelsiluunniit aalajangersinnaapput, inissiat imm. 1-imi nr. 5-imi taaneqartut ataasiakkaat peqqussummi matumani pineqartunut ilaatinneqassasut.”</i></p>
	<p><b>4. § 3-p</b> kingorna immikkoortoq nutaaq ilanngunneqassaaq</p> <p><i>Namminersorlutik Oqartussat kommunillu attartortittagaasa pigisatut inissiannngortissinnaanerat.</i></p> <p><b>“ § 3 a.</b> Namminersorlutik Oqartussat inissiaatai attartortittakkat nammineq</p>

	<p>pigisatut Naalakkersuisunit inissianngortinneqarsinnaapput.</p> <p><i>Imm. 2.</i> Inissiatut attartortittakkatut allanngortinneqareerneratigut, tak. imm. 1, Naalakkersuisut inissiaatinut ataasiakkaanut piginnittutut pisussaaffeqarlutik piginneqatigiiffimmut piginneqataasutut inississapput.</p> <p><b>§ 3 b.</b> Kommunip inissiaatai attartortittakkat nammineq pigisatut kommunalbestyrelsimit inissianngortinneqarsinnaapput.</p> <p><i>Imm. 2.</i> Inissiatut attartortittakkatut allanngortinneqareerneratigut, tak. imm. 1, kommunalbestyrelsi inissiaatinut ataasiakkaanut piginnittutut pisussaaffeqarlutik piginneqatigiiffimmut piginneqataasutut inississapput.</p> <p><b>§ 3 c.</b> Inissiat namminerisamik pigisat § 3a-mi imaluunniit bb-mi pineqartut, allanngortitsereernerup kingorna attartortutut inissisimasut tuniniaanikkut tiguisinnaaneramik neqeroorfigineqassapput. §§ 10-12 taamaaqataanik atuutissapput.</p> <p><b>§ 3 d.</b> Inissiani attartortittakkani attartortittakkanik inissiatut nammineq pigisatut allanngortitsinerni, attartortup inissiaq attartukkani pigisutut tigorusunngippagu attartorneqartoq allanngortinnagu ingerlatiinnarneqassaaq.</p> <p><i>Imm. 2.</i> Inissiani attartortittakkani inissiat allat inissiatut nammineq pigisatut allanngortinneqarpata, attartortumut attartornermi atugassarititaasut, tak. imm. 1, allanngortinneqassanngillat.</p> <p><i>Imm. 3.</i> Ileqqorissaarnissaq pillugu malittarisassani aalajangersakkat, piginneqatigiilluni inissiaatillit</p>
--	---

	<p>peqatigiiffiannit akuerineqartut, attartortunut illuummiiginnartunut, pisussaaffiliipput.</p> <p><b>§ 3 e.</b> Inissiat suli pisiarineqanngitsut § 3a-mut imaluunniit 3b-mut tunngasut, tamanut tuniniaanikkut piserusuttumut tunniunneqassaaq, illup nalingata niuffaffimmi nalilerneratigut minnerpaamik 7.000 kr./ m2 illup annertussusaa tamakkiisoq, tak. taamaattorli imm. 2-3.</p> <p><i>Imm. 2.</i> Naalackersuisut Inatsisartut Aningaasaqarnermut akileraartarnermullu ataatsimiititaliaanit allakkatigut akuerineqarnermikkut niuernermi nalinganit akikinnerusumik aamma m2-imut 7.000 koruuninik akikinnerusumik inimik tuniniaasinnaallutillu tunisaqarsinnaapput. .</p> <p><i>Imm. 3.</i> Kommunalbestyrelsi Naalackersuisunit allakkatigut akuerineqarnermikkut niuernermi nalinganit akikinnerusumik aamma m2-imut 7.000 koruuninik akikinnerusumik inimik tuniniaasinnaallutillu tunisaqarsinnaapput.</p> <p><i>Imm. 4.</i> Naalackersuisut kommunalbestyrelsilu tamanut ammasumik inimik tuniniaasariaqanngilaq, inissianillu attartorneqanngitsunik attartortitsisoqarsinnaavoq, tak. § 3d, tamanna inissianut illoqarfinni imaluunniit nunaqarfnni pineqartunut inissiat niuerfimmi nalinganut annaasaqaataasinnaappata. Allamut attartortitsineq taamaallaat atugassarititaasut piffissamut killiligaasut tunngavigalugit aamma qaammatit 12-ikkaarlugit pisinnaavoq, qaammatit 6-ikkaarlugit sivitsuisarnissaq periarfissaqarluni. “</p>
<p><b>§ 4.</b> Namminersornerullutik Oqartussat kommunilluunniit inissiaataanni attartortittakkani attartortoq inissiamik</p>	<p><b>5.</b> § 4 ima oqaasertalerneqassaaq: ” <b>§ 4.</b> Namminersorlutik Oqartussat kommunilluunniit inissiaataanni attartortittakkani attartortoq inissiamik</p>



<p>attartukkaminik inissiatut imaluunniit illutut nammineq pigisatut tigusinissaminik qinnuteqarsinnaavoq. Qinnuteqaat Naalakkersuisunut imaluunniit kommunalbestyrelsimut nassiunneqassaaq, tassungalu qinnuteqartup tunisinermi akigititaasup ilaata sinneruttup aningaasalersornissaanut periarfissaqarneranik aningaaserivimmiit nalunaarut pisussaaffiliinngitsoq ilanngunneqassaaq, tak. § 14, imm. 1.</p>	<p>attartukkaminik inissiatut imaluunniit illutut nammineq pigisatut tigusinissaminik qinnuteqarsinnaavoq. Qinnuteqaat <i>Naalakkersuisunut</i> imaluunniit kommunalbestyrelsimut nassiunneqassaaq, tassungalu qinnuteqartup tunisinermi akigititaasup ilaata sinneruttup aningaasalersornissaanut periarfissaqarneranik aningaaserivimmiit nalunaarut pisussaaffiliinngitsoq ilanngunneqassaaq, tak. § 14, imm. 1.”</p>
<p>§ 5. Inissiamik attartortittakkamik inissiatut nammineq pigisatut qinnuteqaat akuerineqarpat, Naalakkersuisut imaluunniit kommunalbestyrelsip inissiaammi inissiat attartortittakkat inissianut nammineq pigisanut agguataassavai, kiisalu qinnuteqartup piginneqatigiilluni inissiaatillit peqatigiiffiannik pilersitsinissaanik aammalu piginnittut peqatigiiffiata malittarisassaanik suliaqarneranut ikiuutissalluni.</p> <p><i>Imm. 2.</i> Naalakkersuisut inissiaammi inissiat attartortittakkat agguataarneqarnissaannik maleruagassanik sukumiinerusunik aalajangersaasinnaapput, taakkununga ilanngullugit nalunaarsuineq piginnittunullu immikkut ittumik piumasarisat.</p>	<p>6. § 5 ima oqaasertalerneqassaaq: ” § 5. Inissiamik attartortittakkamik inissiatut nammineq pigisatut qinnuteqaat akuerineqarpat, Naalakkersuisut imaluunniit kommunalbestyrelsip inissiaammi inissiat attartortittakkat inissianut nammineq pigisanut agguataassavai, kiisalu qinnuteqartup piginneqatigiilluni inissiaatillit peqatigiiffiannik pilersitsinissaanik aammalu piginnittut peqatigiiffiata malittarisassaanik suliaqarneranut ikiuutissalluni.</p> <p><i>Imm. 2.</i> Naalakkersuisut inissiaammi inissiat attartortittakkat agguataarneqarnissaannik maleruagassanik sukumiinerusunik aalajangersaasinnaapput, taakkununga ilanngullugit nalunaarsuineq piginnittunullu immikkut ittumik piumasarisat.”</p>
<p>§ 6. Inissiaateqarfimmi inissiat attartortittakkat inissianut nammineq pigisanut agguataarneqareerpata, Naalakkersuisut imaluunniit kommunalbestyrelsip makku qinnuteqartumut nassiutissavai: 1) Qinnuteqartup inissiamik attartortittakkamik najukkaminik inissiatut nammineq pigisatut tigusinissaaneranut allakkatigut neqeroorut.</p>	<p>7. § 6 ima oqaasertalerneqassaaq: ” § 6. Inissiaateqarfimmi inissiat attartortittakkat inissianut nammineq pigisanut agguataarneqareerpata, <i>Naalakkersuisut</i> imaluunniit kommunalbestyrelsip makku qinnuteqartumut nassiutissavai: 1) Qinnuteqartup inissiamik attartortittakkamik najukkaminik inissiatut nammineq pigisatut tigusinissaaneranut allakkatigut neqeroorut.</p>

<p>2) Piginnittut peqatigiiffiat pillugu paasissutissat aamma malittarisassat assilineri.</p> <p>3) Tunisinissamut tamakkiisumut pilersaarussiaq, inissiami nammineq pigisami agguaqatigiisitsinissamut kisitsisitalik.</p> <p>4) Inissiap nammineq pigisap sananeqarneranut nassuiaatinut paasissutissat, tak. ilanngussaq 1.</p> <p>5) Inissiap nammineq pigisap niuernerminalinganut paasissutissat.</p> <p>6) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani ukiumi pineqartumi ingerlatsinermut missingersuutit.</p> <p>7) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani naatsorsuutit akuerisat kingulliit.</p> <p>8) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tigusinerup kingorna inissianut nammineq pigisanut attuumassuteqartussatut nalilerneqartut pillugit paasissutissat.</p> <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut neqeroorutaata nassiuereernerani qaammatit pingasut qaangiutsinnagit akuerineqassaaq.</p> <p><i>Imm. 3.</i> Inissiaateqarfimmi inissiat attartortittakkat inissianut nammineq pigisanut agguataarneqareerpata, Naalakkersuisut imaluunniit kommunalbestyrelsip attartortutut sinneruttunut uku nassiuatissavaat:</p> <p>1) Inissiamik attartortittakkamik najukkaminnik inissiatut nammineq</p>	<p>2) Piginnittut peqatigiiffiat pillugu paasissutissat aamma malittarisassat assilineri.</p> <p>3) Tunisinissamut tamakkiisumut pilersaarussiaq, inissiami nammineq pigisami agguaqatigiisitsinissamut kisitsisitalik.</p> <p>4) Inissiap nammineq pigisap sananeqarneranut nassuiaatinut paasissutissat, tak. ilanngussaq 1.</p> <p>5) Inissiap nammineq pigisap niuernerminalinganut paasissutissat.</p> <p>6) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani ukiumi pineqartumi ingerlatsinermut missingersuutit.</p> <p>7) Najugaqarfimmi imaluunniit ingerlatsinermut aserfallatsaaliuinemullu immikkoortortami, inissiap attartortittakkap attuumassuteqarfigisaani naatsorsuutit akuerisat kingulliit.</p> <p>8) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tigusinerup kingorna inissianut nammineq pigisanut attuumassuteqartussatut nalilerneqartut pillugit paasissutissat.</p> <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut neqeroorutaata nassiuereernerani qaammatit pingasut qaangiutsinnagit akuerineqassaaq.</p> <p><i>Imm. 3.</i> Inissiaateqarfimmi inissiat attartortittakkat inissianut nammineq pigisanut agguataarneqareerpata, Naalakkersuisut imaluunniit kommunalbestyrelsip attartortutut sinneruttunut uku nassiuatissavaat:</p> <p>1) Inissiamik attartortittakkamik najukkaminnik inissiatut nammineq pigisatut tigusisinnaaneratt pillugu</p>
--	---

<p>pigisatut tiguisinnaanerat pillugu nalunaarut.</p> <p>2) Piginnittut peqatigiiffiat pillugu paasissutissat aamma malittarisassat assilineri.</p>	<p>nalunaarut.</p> <p>2) Piginnittut peqatigiiffiat pillugu paasissutissat aamma malittarisassat assilineri</p>
<p><b>§ 7.</b> Attartortup inissiamik attartukkaminik inissiatut nammineq pigisatut tigusinissamut periarfissaminik atuinissani kissaatiginnikkuniuk:</p> <p>1) Inissiaammi inissiamik attartortuunnarsinnaavoq.</p> <p>2) Naalakkersuisut imaluunniit kommunalbestyrelsip illoqarfimmi najukkami inissiamik attartortittakkamik allamik neqeroorutaa akuerisinnaavaa, tamanna inissianik attartortitsisarneq pillugu peqqussummi periarfissaqarpat.</p> <p><i>Imm. 2.</i> Attartortup inissiaateqarfimmi attartortuunnartussap ineqarnermut akiliutissaa taamatut attartornermi ineqarnermut akiliutip naatsorsorneqartarneranut maleruagassat nalinginnaasut naapertorlugit aalajangersarneqassaaq.</p> <p><i>Imm. 3.</i> Inissiaateqarfimmi inissianik nammineq pigisassanik agguataariffiusumi attartortuunnartussamut piginnittut peqatigiiffiata malittarisassaani torersaarnissamut aalajangersakkat atuuttussaapput</p>	<p><b>8.</b> § 7 ima oqaasertalerneqassaaq:</p> <p>” § 7. Attartortup inissiamik attartukkaminik inissiatut nammineq pigisatut tigusinissamut periarfissaminik atuinissani kissaatiginnikkuniuk:</p> <p>1) Inissiaammi inissiamik attartortuunnarsinnaavoq.</p> <p>2) Naalakkersuisut imaluunniit kommunalbestyrelsip illoqarfimmi najukkami inissiamik attartortittakkamik allamik neqeroorutaa akuerisinnaavaa, tamanna inissianik attartortitsisarneq pillugu peqqussummi periarfissaqarpat.</p> <p>3) Inissiat attartortittakkat allat inissiatut nammineq pigisatut allanngortinneqarpata, attartortumut attartornermi atugassarititaasut, tak. imm. 1, allanngortinneqassanngillat.</p> <p><i>Imm. 3.</i> Inissiaateqarfimmi inissianik nammineq pigisassanik agguataariffiusumi attartortuunnartussamut piginnittut peqatigiiffiata malittarisassaani torersaarnissamut aalajangersakkat atuuttussaapput.”</p>
<p><b>§ 9.</b> Inissiaammi inissianik nammineq pigisassanik agguataariffiusumi inissiaq attartortittagaq inoqanngitsoq Namminersornerullutik Oqartussanit imaluunniit kommunimit pigineqartoq inissianik attartortitsisarneq pillugu Inatsisartut peqqussutaanni maleruagassat</p>	<p><b>9.</b> § 9 ima oqaasertalerneqassaaq:</p> <p>” § 9. Inissiaammi inissianik nammineq pigisassanik agguataariffiusumi inissiaq attartortittagaq inoqanngitsoq Namminersorlutik Oqartussanit imaluunniit kommunimit pigineqartoq inissianik attartortitsisarneq pillugu Inatsisartut peqqussutaanni maleruagassat naapertorlugit</p>

<p>naapertorlugit innersuunneqanngippat, Naalakkersuisut imaluunniit kommunalbestyrelsip inissiaq attartortittagaq inoqanngitsoq tamanut ammasumik tuniniaanikkut tunisinnaavaa. Pisinnermut atatillugu aningaasartuutissat tamarmik pisisumit akilerneqassapput.</p> <p><i>Stk. 2.</i> Tamanut ammasumik tuniniaanermi § 11 atorneqassanngilaq.</p>	<p>innersuunneqanngippat, <i>Naalakkersuisut</i> imaluunniit kommunalbestyrelsip inissiaq attartortittagaq inoqanngitsoq tamanut ammasumik tuniniaanikkut tunisinnaavaa. Pisinnermut atatillugu aningaasartuutissat tamarmik pisisumit akilerneqassapput.</p> <p><i>Imm. 2.</i> Tamanut ammasumik tuniniaanermi § 11 atorneqassanngilaq.”</p>
<p><b>§ 10.</b> Inissiamik attartortittakkamik illutut nammineq pigisatut tigusinissamik qinnuteqaat akuerineqarpat, Naalakkersuisut imaluunniit kommunalbestyrelsip makku qinnuteqartumut nassiutissavai:</p> <ol style="list-style-type: none"> <li>1) Qinnuteqartup inissiamik attartortittakkamik najukkaminik illutut nammineq pigisatut tigusininaaneranut allakkatigut neqeroorut.</li> <li>2) Inissiap nammineq pigisap sananeqarneranut nassuiaatinut paasissutissat, tak. ilanngussaq 1.</li> <li>3) Illup nammineq pigisap niuernerminalinganut paasissutissat.</li> <li>4) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tigusinerup kingorna illumut nammineq pigisamut attuumassuteqartutut nalilerneqartut pillugit paasissutissat.</li> </ol> <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut neqeroorutaata nassiutereernerani qaammatit pingasut qaangiutsinnagit akuerineqassaaq.</p>	<p><b>10.</b> § 10 ima oqaasertalerneqassaaq: ” <b>§ 10.</b> Inissiamik attartortittakkamik illutut nammineq pigisatut tigusinissamik qinnuteqaat akuerineqarpat, <i>Naalakkersuisut</i> imaluunniit kommunalbestyrelsip makku qinnuteqartumut nassiutissavai:</p> <ol style="list-style-type: none"> <li>1) Qinnuteqartup inissiamik attartortittakkamik najukkaminik illutut nammineq pigisatut tigusininaaneranut allakkatigut neqeroorut.</li> <li>2) Inissiap nammineq pigisap sananeqarneranut nassuiaatinut paasissutissat, tak. ilanngussaq 1.</li> <li>3) Illup nammineq pigisap niuernerminalinganut paasissutissat.</li> <li>4) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tigusinerup kingorna illumut nammineq pigisamut attuumassuteqartutut nalilerneqartut pillugit paasissutissat.</li> </ol> <p><i>Imm. 2.</i> Tigusinissamik neqeroorut Naalakkersuisut imaluunniit kommunalbestyrelsip allakkatigut neqeroorutaata nassiutereernerani qaammatit pingasut qaangiutsinnagit akuerineqassaaq.”</p>
<p><b>§ 11.</b> Inissiap attartortittakkap, inissiatut imaluunniit illutut nammineq pigisatut tiguneqartussatut kissaatigineqartup tunineqarnerani akiusooq niuernermi</p>	<p>11. § 11 imatut oqaasertalerneqassaaq: <b>§ 11.</b> Nammineq inissiarternermi tunisinermi akigitinneqartumut naapertuuttumik niuernermi akigititaasut tunngavigineqassapput.</p> <p><i>Imm. 2.</i> Inissiani attartorneqarsinnaasuni</p>

naligititaasut naapertorlugit  
aalajangerneqassaaq.

*Imm. 2.* Inissiateqarfinni pingasunik amerlanerusunilluunniit attartortittakkanik inissiaartaqartuni attartortut, tunisinermut akiusup procentianik annertussusilikkamik akikillisaaffigineqassapput, tassani attartortup qanoq sivisutigisumik attartorsimanera apeqquataatinneqassalluni, tak. imm. 3 aamma ilanngussaq 2.

Akikillisaatissaaq tunisinermut akiusup procentianik annertussusilikkamik akikillisaaffigineqarneq apeqquataatinngu aningaasartaliunneqartunit ukuninnga annertunerussanngilaq:

- 1) Inissiaq 1-mik aamma 2-nik initalik: 225.000 koruunit.
- 2) Inissiaq 3-nik initalik: 335.000 koruunit.
- 3) Inissiaq 4-nik initalik: 445.000 koruunit.
- 4) Inissiaq 5-nik initalik: 555.000 koruunit.
- 5) Inissiaq 6-nik amerlanerusunilluunniit initalik: 665.000 koruunit.

*Imm. 3.* Attartortup qanoq sivisutigisumik attartorsimanerata naatsorsorneqarnerani attartortitsisup inissiaataani attartortittakkami attartortup piffissaaq ataannartumik attartortuuffigisaa tunngavigineqassaaq. Attartortoq attartortitsisup inissiaataanni attartortittakkani nuttarluni attartortuusimanersoq aammalu inissiat attartortittakkat sumiiffimmi ataatsimiissimanersut apeqquataatinneqanngilaq.

*Imm. 4.* Agguataarinissamat tigusinissamullu atatillugu aningaasartuutitut tamanut, tassunga ilaallutik naliliinermut, siunnersorteqarnermut, eqqartuussissuserisunut naqissusiinermullu aningaasartuutit, matusissutissanik 50.000

attartortut pingasunit

amerlanerusunilluunniit attartortoqartuni, tunisinermi akigitinneqartoq 20 %-inik akikillineqassaaq. Sumiiffimmi pigisanut aalaakkaasunut qularnaveeqqusiussanut realkredit-imit taarsigassarsisinnaannginnermik allagaqaammik uppersaatissaqarnermi tunisinermi akigititaq 30 %-inik akikillineqassaaq.

*Imm. 3.* Aggualussinermut tigusinermullu aningaasartuutitut tamanut matussutissatut, taakkununga ilanngullugit nalilersuinermit, siunnersorneqarnermut, eqqartuussissuserisoqarnermut aamma piginnittunngornermut akiliutissanut aningaasartuutitut, tunisinermi akigititaq 50.000 koruuninik ilaneqassaaq.

<p>koruuninik tunisinermut akiusoq ilaneqassaaq.</p>	
<p><b>§ 12.</b> Namminersornerullutik Oqartussat imaluunniit kommunip suliassamik ilisimasalimmut arlaannulluunniit attuumassuteqanngitsumut niuernermit naligitaasoq naatsorsortissavaa.</p>	<p><b>12. § 12</b> imatut oqaasertalerneqassaaq: ” <b>§ 12.</b> Illuutip massakut niuerfinni nalinga illuutinut nalilersuinerit illuutit aalaakkaasut najugaqarfissatut pisiarisarnerannut tuniniartarnerannullu Kalaallit Nunaanni suliaqartunik illuutinut sullissisartunit ilisimasalinnit naatsorsuiffigineqassaaq.”</p>
<p><b>§ 13.</b> Namminersornerullutik Oqartussat kommuniluunniit inissiamut nammineq pigisamut akit nikingassutaannut qularnaveeqqusiissummik nalunaarsuissapput, taannalu tunisinermi akiusup § 11, imm. 2 naapertorlugu akikillisaanerup annertoqqataanik nalilerneqassaaq. Namminersornerullutik Oqartussat imaluunniit kommuni akit nikingassutaannut qularnaveeqqusiissummik 50.000 koruunit inorlugit annertussusilimmik nalunaarsuissanngillat.</p> <p><i>Imm. 2.</i> Akit nikingassutaannut qularnaveeqqusiissut, Namminersornerullutik Oqartussat kommunilluunniit taarsigassarsiarititaannut qularnaveeqqusiissutip akilereernerani akilerneqartussatut inissisimavoq.</p> <p><i>Imm. 3.</i> Akit nikingassutaannut qularnaveeqqusiissut ukiut 10-it ingerlanerini ukiumut 1/10-inik nalikillineqartassaaq, piffissallu nalikillisitsiviusup qaangiunnerani nalunaarsorneqarsimanera peerneqassalluni. Piffissaq nalikillisitsiartuarfiusoq ullormit tigusiffiusumit aallartissaaq.</p> <p><i>Imm. 4.</i> Piginnittut nikinneranni akit nikingassutaannut qularnaveeqqusiissut</p>	<p><b>13. § 13</b> ima oqaasertalerneqassaaq ” <b>§ 13.</b> Pisisoq tunisinermi akigitaasumit akikilliliiffigineqartillugu, tak. § 11 imm. 2, Naalakkersuisut inissiamut nammineq pigisamut akit nikingassutaannut qularnaveeqqusiissummik nalunaarsuissapput, taannalu tunisinermi akiusup akikillisaanerup amerlaqataanik nalilerneqassaaq.</p> <p><i>Imm. 2.</i> Pisisoq tunisinermi akigitaasumit akikilliliiffigineqartillugu, tak. § 11 imm. 2, kommunalbestyrelsi inissiamut nammineq pigisamut akit nikingassutaannut qularnaveeqqusiissummik nalunaarsuissapput, taannalu tunisinermi akiusup akikillisaanerup amerlaqataanik nalilerneqassaaq</p> <p><i>Imm. 2.</i> Akit nikingassutaannut qularnaveeqqusiissut, Naalakkersuisut kommunilluunniit taarsigassarsiarititaannut qularnaveeqqusiissutip akilereernerani akilerneqartussatut inissisimavoq.</p> <p><i>Imm. 3.</i> Akit nikerarnerinut qularnaveeqqusiussaqluni taarsigassarsiat tunisinermi akigitaasup 20 %-ii tiguneqarneraniit ukiut tallimat ernialersugaanatillu akilersuutitaqassanngillat. Qularnaveeqqutip</p>

<p>akiligassanngortinneqassaaq, tasanilu toqusoqarneranut, averusernermut avinnermulluunniit atatillugu piginnittut ninnerat pineqanngilaq.</p> <p><i>Imm. 5.</i> Naalakkersuisut akit nikingassutaannut qularnaveeqqusiissutinut isumakkeerinnissamut maleruagassanik aalajangersaasinnaapput.</p>	<p>ukiut 15-it sinnersimappagit ukiumut 1/15-eriaammik nalikilliisoqartassaaq aamma nalikilliliinerup ingerlanerata naanerani nalunaarsorneqarunnaassalluni.</p> <p><i>Imm. 4.</i> Tunisinermi 30 %-inik akimut qularnaveeqqut akigitinneqartumut taarsigassarsiat ukiuni qulini erniaqaratillu akilersugassaassanngillat. Tamatuma kingorna qularnaveeqqut ukiut 15-it sinneraagagit ukiumut 1/15-eriaammik nalikillisinneqartassaaq aamma nalikilliliinerup ingerlanerata naanerani nalunaarsorneqarunnaassalluni.</p> <p><i>Imm. 5.</i> Toqusoqarnerani, averusernermi avinnermiluunniit piginnittut paarlaannerat eqqaassanngikkaanni, piginnittut paarlaanneranni qularnaveeqqut atorunnaartaassaaq.</p> <p><i>Imm. 6.</i> Qularnaveeqqutissat isumakkeerutaasinnaaneri pillugit Naalakkersuisut malittarisassaliorsinnaapput.”</p>
<p><b>§ 14.</b> Attartortup inissiamik attartukkaminik inissiatut illutulluunniit nammineq pigisatut tigusineranut atatillugu, attartortoq tunisinermut akiusup 40%-ia tikillugu Namminersorerullutik Oqartussanit kommunimilluunniit taarsigassarsitinneqarnissaminik piunasaqarsinnaavoq. Namminersorerullutik Oqartussat kommuniluunniit tunisinermut akiusup sinneranut aningaasalersueqataasinnaanngillat.</p> <p><i>Imm. 2.</i> Taarsigassarsiat ukiuni 20-ni erniaqaratillu akilersugassaassanngillat, tamatumalu kingorna taarsigassarsiatut angeqqatigiinnik annertussusilerlugit,</p>	<p><b>14. § 14</b> ima oqaasertalerneqassaaq:</p> <p>” <b>§ 14.</b> Attartortup inissiamik attartukkaminik inissiatut illutulluunniit nammineq pigisatut tigusineranut atatillugu, attartortoq tunisinermut akiusup 40%-ia tikillugu Namminersorlutik Oqartussanit kommunimilluunniit taarsigassarsitinneqarnissaminik piunasaqarsinnaavoq. Namminersorerullutik Oqartussat kommuniluunniit tunisinermut akiusup sinneranut aningaasalersueqataasinnaanngillat.</p> <p><i>Imm. 2.</i> Taarsigassarsiat ukiuni 20-ni erniaqaratillu akilersugassaassanngillat, tamatumalu kingorna taarsigassarsiatut</p>

<p>ukiumut Nationalbankip erniarititaa 3%-inik ilallugu erniaqartinneqarlutik ukiuni 15-ini akilersugassanngortinneqassallutik.</p>	<p>anqeqqatigiinnik annertussusilerlugit, ukiumut Nationalbankip erniarititaa 3%-inik ilallugu erniaqartinneqarlutik ukiuni 15-ini akilersugassanngortinneqassallutik.”</p>
	<p><b>15.</b> § 14-imi imm. 3-tut ilanngunneqassaaq: ” Imm. 3. Realkredit aqutugalugu qularnaveeqqusiilluni illoqarfimmi imaluunniit nunaqarfimmi pineqartumi aalajangersimasumik illumik taarsigassarsititsisoqarsinnaannginneranik uppersaasaasiisoqarpat imm. 1 tunngavigalugu tunisinermi akigitinneqartup 50 %-iata naleqqataanik aningaasat attartukkat amerlineqarsinnaapput. Akigitinneqartup 50%-iata naleqqataanik attartortitassat ukiuni qulini erniaqartinneqaratillu akilersugassaangillat, ukiut taakkua qaangiunneranni assigiimmik akilersuilluni ukiut 20-t sinnerlugit Nationalbankip erniaritittagaa procentinik pingasunik ilallugu akilersugassanngussallutik.”</p>
<p><b>§ 14 b.</b> Taarsigassarsisoq ullutsinnut nalinganut taarsigassarsiat piffissaq sioqqullugu tamakkerlugit akiliisinnaavoq. Piffissaq sioqqullugu taarsigassarsisup taarsigassarsianik inaaraluni akiliinerani akiitsut sinneri ullormi qinnuteqaatip tunniunneqarnerani 3 %-imik ernialerlugit Nationalbankip erniaritittagai ilanngullugit akilersukkat kingumut naatsorsorneqassapput. Akiitsut sinneri taarsigassarsisup allakkatigut inaarilluni akiliinissaq pillugu noqqaaneraniit aamma taarsigassarsiani piffissamut ernialersuiffiunanilu akilersuiffiusussaannngitsumut sinneruttumut kingumut naatsorsorneqassapput,</p>	<p>16. 14 b ima oqaasertalerneqassaaq: ” <b>§ 14 b.</b> Taarsigassarsisup taarsigassarsiani maanna naliusut malillugit sioqqutsilluni akilersinnaavai. <i>Imm. 2.</i> Taarsigassarsisup taarsigassarsiani sioqqutsilluni akilerpagit, akiitsut sinneri ullormi qinnuteqaatip tunniunneqarfiani ernialiinermi erniaritinneqartoq Naatsorsueqqissaartarfiup kingullermik piffissamut qaammatinut 12-inut atuisunut akigititanut naleqqataanik 1 procentpointimik ilallugu allanngortitsinera naatsorsuiffigineqartoq atorlugu utertitsinissaq aalajangersarneqassaaq. <i>Imm. 3.</i> Akiitsut sinneri taarsigassarsisup allakkatigut inaarilluni akiliinissaq pillugu</p>



<p>taamaattorli taarsigassarsiat tunniunneqarneranniit siusinnerpaamik ukiunut tallimanut.</p> <p><i>Imm. 2.</i> Imm. 1 taamaaqataanik 1. januar 2019 sioqqullugu taarsigassarsianut atorneqarsinnaavoq.</p>	<p>noqqaaneraniit aamma taarsigassarsiani piffissamut ernialersuiffiunanilu akilersuiffiusussaannigitsumut sinneruttumut kingumut naatsorsorneqassapput, taamaattorli taarsigassarsiat tunniunneqarneranniit siusinnerpaamik ukiunut tallimanut.</p>
	<p><b>17. § 14 b</b> kingorna ilanngunneqassaaq:  <b>” § 14 c.</b> Piffissap tigusiffiup nalaani § 3c,imm. 1-mut attuumassutilimmik nammineq pigisamik inissiarisikoq 30-nik inorlugilluunniit ukioqarsimappat, pisortanit aningaasaliiffigineqarnissaminut pisinnaatitaaffeqarpoq, pisinermi akigititap niuerfimmi nalinga sipporsimanngippagu, tak. § 12. Aalajangersakkat § 11 aamma § 14 malillugit pisortanit aningaasalersorneqarnissaq naatsorsorneqassaaq.</p> <p><i>Imm. 2.</i> Piffissap tigusiffiusup nalaani inissiamik imaluunniit illumik nammineq piginnittunut imaluunniit piginneqataasunut taarsigassarsisitsisoqarsinnanangilaq.</p> <p><b>18. § 14 c</b> kingorna ilanngunneqassaaq:  <b>” § 14 d.</b> Namminersorlutik Oqartussanut imaluunniit Kalaallit Nunaanni kommuninut qularnaveeqqusiinermut allagartat aamma akiitsunut allagartat Illuliortiternernut aningaasalersuisarneq pillugu Inatsisartut peqqussutaannut uunga imaluunniit siusinnerusukkut Namminersorlutik Oqartussat kommunillu inissianik attartortittagaannik inissiamik piginnittut imaluunniit illumik piginnittut tigusisarneq pillugu inatsisaasimasut naapertorlugit tunniunneqartut kaaviiartitanut, qularnaveeqqusiisarnernut imaluunniit akiligassaqarfimmiit</p>

	<p>malersugaanissamut atorneqarsinnaanngillat.”</p>
	<p><b>19.</b> § 15 ima oqaasertalerneqassaaq: ” § 15. Namminersorlutik Oqartussat kommunilluunniit taarsigassarsiarititaat inissiap illulluunniit nammineq pigisap qularnaveeqqusiunneratigut qularnaarneqassapput. Taarsigassarsiat, inissiaq illuluunniit nammineq pigisaq qularnaveeqqusiullugu tunisinermi akiusup sinneranut aningaasalersuutissatut taarsigassarsiaritit akilereernerini akilerneqartussatut inissisimassapput.”</p>
<p><b>§ 16.</b> Qularnaveeqqusiussaqaarluni taarsigassarsinermi allagartami, tak. § 15, allamik aalajangiisoqarsimanngippat, qularnaveeqqusiussaqaarluni taarsigassarsinermi allagartaq naapertorlugu piginnittut nikinneranni aningaasaatit akiligassanngortinneqassapput, tassanili taarsigassarsiat pisinermi akiusup 90%-ianut qularnaveeqquserneqarsimanerat ingerlaannartillugu inuinnaat akornanni piginnittut nikinnerat pineqanngilaq. <i>Imm. 2.</i> Piginnittut nikinneranni aningaasaatit</p>	<p><b>20.</b> imatut oqaasertalerneqassaaq: ” § 16. Piginnittut nikinneri pillugit Inatsisartut peqqussutaat una naapertorlugu Naalakkersuisut kommunalbestyrelsillu inissianik imaluunniit illunik piginnittut taarsigassarsianik tapiiffigitissimasut allanngoraangata tamatigut ilisimatinneqartassapput. Taarsigassarsiat taarsigassarsisup nikinnerani akilerneqassapput, tamanna Inatsisartut peqqussutaata una naapertorlugu piginnittut nikinnerini inuit najuuttut taarsiaqareersimanngikkaangata.</p>

<p>akiligassanngortinneqanngippata, pisisup nutaap atugassarititaasut allannguuteqartinnagit akiitsut akiitsorilersinnaavai.</p> <p>Qularnaveeqqusiussaqaarluni taarsigassarsinermi allagartaq, aningaaserivimmit, sparekassemmit, ernianik naleqqussaaniarluni imaluunnit realkredittimit taarsigassarsiat, pisisup nutaap aningaasalersuinissaq eqqarsaatigalugu taarsigassarsiarisariaqagaasa akilereernerini akilerneqartussatut inissisimapput.</p> <p><i>Imm. 3.</i> Namminersornerullutik Oqartussat kommunilluunniit taarsigassarsiarititaat akiligassanngortinneqassapput:</p> <p>1) Qularnaveeqqusiussaqaarluni taarsigassarsinermi allagartaq naapertorlugu taarsigassarsititsinermi atugassarititaasut sumiginnarneqarpata.</p> <p>2) Attartortitsinermit aalajangersakkat inissianik attartortitsisarneq pillugu Inatsisartut peqqussutaanni aalajangersarneqartut unioqqutillugit taarsigassarsisup inissiaq illuluunniit nammineq pigisaq attartortippagu.</p>	<p><i>Imm. 2.</i> Piginnittut nikinnerini tamani pisortat taarsigassarsisitsinerani taarsigassarsiat angissusiata 15 %-iatut angitigisumik piginnittut nikinnerannut akiliutissaq akilerneqartassaaq. Pisortat taarsigassarsisitsineranik tigusinermit piumasarineqarpoq piginnittut nikinneranni akiliutip akilerneqarnissaa.</p> <p><i>Imm. 3.</i> Piginnittut nikinnerini, niuernerimi aningaasartuutit missiliussat tapiliunneri ilanngaatigalugit pisinermi akip 90 %-iinig annerpaamik aningaasartaqartut taarsigassarsiat katinneri pisisumit tiguneqartut taarsigassarsinermi ataqqineqassapput.</p> <p><i>Imm. 4.</i> Piginnittut nikinnerat pillugu paasissutissiisussaataaneq, tak. imm. 1, pisisumiillunilu tunisisumiippoq.</p> <p><i>Imm. 5.</i> Piginnittut nikinnerat pillugu paasissutissiisut pissaaq, tunniussinissamik pituttorsimasumik isumaqatigiissusiordermit kingusinnerpaamik sapaatip akunnerata ataatsip qaangiunnerani.”</p>
<p><b>§ 16.</b> [imm. 1-2 ilaatinneqanngillat]</p> <p><i>Imm. 3.</i> Namminersornerullutik Oqartussat kommunilluunniit taarsigassarsiarititaat akiligassanngortinneqassapput:</p> <p>1) Qularnaveeqqusiussaqaarluni taarsigassarsinermi allagartaq naapertorlugu taarsigassarsititsinermi atugassarititaasut sumiginnarneqarpata.</p> <p>2) Attartortitsinermit aalajangersakkat inissianik attartortitsisarneq pillugu Inatsisartut peqqussutaanni aalajangersarneqartut unioqqutillugit taarsigassarsisup inissiaq illuluunniit nammineq pigisaq attartortippagu.</p>	<p><b>21.</b> § 16 kingorna ikkunneqassaaq</p> <p>” <b>§ 16 a.</b> Namminersorlutik Oqartussanut kommunimullu taarsigassarsiat akiligassanngussapput, ima pisoqarpat:</p> <p>1) Qularnaveeqqusiussaqaarluni taarsigassarsinermi piumasaqaatigineqartut malinneqanngippata.</p> <p>2) Taarsigassarsisup inissiaq illersorneqarsinnaasumik aserfallatsaalisimannippagu aamma Naalakkersuisunit imaluunniit kommunalbestyrelsimit akiligassarsisitsisup qularnaveeqqusiissutinik</p>

qulakkeerinnissimangitsoq  
uppernarsippagu.

3) Taarsigassarsisup inissiaq  
ikuallattoornissamut illullu  
ajoqusersinnaaneranut  
sillimmasersimangippagu.

4) Inissianik attartorneq pillugu inatsisartut  
peqqussutaanni attartortitsineq pillugu  
aalajangersakkanut akerliusunik inissiamik  
taarsigassarsisoq attartortitsippat.

5) Inissiaq taarsigassarsisumut imaluunniit  
attartortumut taassumalu inoqutigiivinut  
najugaqarfissatut atornagu siunertanut  
allanut tamakkiisumik

ilaannakortumilluunniit atorneqarpat.

Taamaattoq inuussutissarsiuutit minnerusut  
namminersortut taarsigassarsisumit  
imaluunniit attartortumit taassumalu  
inoqutigiivinut ingerlanneqartut

mininneqarput.6) PISOQ aamma tunisisoq  
piginnittup nikinnera

paasissutissiissutiginnigippassuk, tak. § 16,  
imm. 1, 4 aamma 5.

*Imm. 2.* Imm. 1, nr. 4 taamaaqataanik  
atorneqassaaq inissiaq inatsisitigut  
pisinnaatitaasumut pisussaatitaasumullu  
attartortinneqarpat.

#### **§ 16 b.** Naalackersuisut

taarsigassarsiaareersunut illuutip

Naalackersuisunit tunniunneqartup

niuerfinni nalingata pisortani

taarsigassarsiarineqartut illuummi

qularnaveequsiinikkut qularnaarneqartut 90

%-iannik annerpaamik ilanngaaffiginerinut

ataqqinninnermut nukingisaarinermullu

nalunaaruteqarsinnaavoq, taamaattoq tak.

imm. 3

*Imm. 2.* Kommunalbestyrelsi

taarsigassarsiaareersunut illuutip

kommunalbestyrelsimit tunniunneqartup

	<p>niuerfinni nalingata pisortani taarsigassarsiarineqartut illuummi qularnaveeqqusiinikkut qularnaarneqartut 90 %-iannik annerpaamik ilanngaaffiginerinut ataqqinninnermut nukingisaarinermullu nalunaaruteqarsinnaavoq, taamaattoq tak. imm. 3.</p> <p><i>Imm. 3.</i> Taamaattoq illuutitut ukiut 20-t sinnerlugit pisoqaassusilinnut taarsigassarsiaareersut illuutip niuerfinni nalingata 80 %-iannut angissusilerneqarsinnaapput, matumani illuummi qularnaveeqqusiinikkut pisortani taarsigassarsiarineqartut inerneranni ilanngaateqarnikkut.</p> <p><i>Imm. 4.</i> Naalakkersuisuniit kommunalbestyrelsiniillu ataqqinninnermut nukingisaarisarnermullu uppersaanissaani illuummut akiligassanngortut allat kingusinnerusukkut assinganik nukingisaarinermik nalunaarutigineqarsimanersut apeqqaassaaq.</p> <p><i>Imm. 5.</i> Illuutip pisoqaassusaa illuummut atuinissamut akuersissutaagallartumut ulluliunneqartoq atorlugu naatsorsorneqassaaq.</p> <p><i>Imm. 5.</i> Illuutip massakkut niuerfinni nalinga illuutitut nalilersuinerit illuutit aalaakkaasut najugaqarfissatut pisiarisarnerannut tuniniartarnerannullu suliaqartunik illuutitut sullissisartunit ilisimasalinnit naatsorsuiffigineqassaaq. Illuutitut nalilersuinerit ataqqinninnissamut nukingisaarinissamullu qinnuteqaatit kingusinnerpaamik ullut qaammatisiuteqarfiusut 14-it sioqqullugit suliarineqareersimassapput.”</p>
--	---

	<p><b>22.</b> Inatsisartut peqqussutaannut ilanngussaq 2 atorunnaassaaq.</p>
	<p style="text-align: center;"><b>§ 2</b></p> <p>Inatsisartut Inatsisaat ullormi 1. januar 2025 atuutilissaaq.</p> <p><i>Imm. 2</i> Taarsigassarsiat allannguutissatut siunnersuutip atuutlernissaata sioqqullugu, taamaattoq siusinnerpaamik taarsigassarsiap tunniunneraniit ukiut 5-t kingornagut, nassiunneqartut siusissukkut akilernissaannut qinnuteqaat § 14 b atuukkallartoq tunngavigalugu suliarineqassapput aalajangiiffigineqarlutillu.</p>

## Ilanngussaq 2

### Tusarniaanermut allakkiaq

1. Uunga siunnersuut: Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarnera pillugu Inatsisartut inatsisaat (Inissianik attartortittakkanik pigisatut inissiannngortitsineq, kaaviaartitsinissamut inerteqqut, piffissaq sioqqullugu taarsigassarsianik akiliineq il. il.) tusarniaanermut nittartakkami qallunaatut aamma kalaallisut 17.08.2024-mit tamanut saqqummiunneqarpoq kingusinnerpaamik akiffissalerlugu 14.09.2024 nal. 12:00.

Siunnersuut ullormi 17.08.2024 mail aqqutigalugu tamanut tusarniutigalugu nassiunneqarpoq, ulloq 14.09.2024 tusarniaanermut piffissalerlugu, ukununngalu nassiunneqarsimavoq:

#### Nassiussanut allattuiffik:

Naalakkersuisup Siulittaasuata Naalakkersuisoqarfia ([govsec@nanoq.gl](mailto:govsec@nanoq.gl))

Aningaasaqarnermut Naligiissitaanermullu Naalakkersuisoqarfik ([oed@nanoq.gl](mailto:oed@nanoq.gl))

Inuussutissarsiornermut, Niuernermut, Aatsitassanut, Inatsisit Atuutsinneqarnerannut

Naligiissitaanermullu Naalakkersuisoqarfik ([isiin@nanoq.gl](mailto:isiin@nanoq.gl) & [asn@nanoq.gl](mailto:asn@nanoq.gl))

Aalisarnermut Piniarnermullu Naalakkersuisoqarfik ([apn@nanoq.gl](mailto:apn@nanoq.gl))

Isumaginninnermut, Ilaqutariinnut, Suliffeqarnermut Nunamullu Namminermut

Naalakkersuisoqarfik ([isn@nanoq.gl](mailto:isn@nanoq.gl))

Ilinniartitaanermut, Kultureqarnermut, Timersornermut Ilageeqarnermullu

Naalakkersuisoqarfik: ([ikin@nanoq.gl](mailto:ikin@nanoq.gl))

Nunalerinnermut, Imminut Pilersornermut, Nukissiuuteqarnermut Avatangiisinullu

Naalakkersuisoqarfik ([pan@nanoq.gl](mailto:pan@nanoq.gl))

Meeqqanut Inuusuttunullu Naalakkersuisoqarfik ([jian@nanoq.gl](mailto:jian@nanoq.gl))

Peqqissutsimut Naalakkersuisoqarfik ([pn@nanoq.gl](mailto:pn@nanoq.gl))

Kommune Kujalleq: ([kommune@kujalleq.gl](mailto:kommune@kujalleq.gl))

Kommuneqarfik Sermersooq: ([kommuneqarfik@sermersooq.gl](mailto:kommuneqarfik@sermersooq.gl))

Qeqqata Kommunia ([qeqqata@qeqqata.gl](mailto:qeqqata@qeqqata.gl))

Kommune Qeqertalik ([qeqertalik@qeqertalik.gl](mailto:qeqertalik@qeqertalik.gl))

Avannaata Kommunia ([avannaata@avannaata.gl](mailto:avannaata@avannaata.gl))

Kalaallit Nunaanni Naalagaaffiup Sinnisoqarfia ([ro@gl.stm.dk](mailto:ro@gl.stm.dk))

Ineqarnermut Naammagittaalliuuteqartarfik - Atuisoqarnermut Unammilleqatigiinnermullu

Aqutsisoqarfik ([aua@nanoq.gl](mailto:aua@nanoq.gl))

Nukissiorfiit ([kundeservice@nukissiorfiit.gl](mailto:kundeservice@nukissiorfiit.gl))

Nusuka ([nusuka2004@gmail.com](mailto:nusuka2004@gmail.com))

Kalaallit Nunaanni Sulisitsisut ([ga@ga.gl](mailto:ga@ga.gl))

Kalaallit Nunaanni Politiit ([grl-politi@politi.dk](mailto:grl-politi@politi.dk) aamma [grl-lesek@politi.dk](mailto:grl-lesek@politi.dk))

SIK ([sik@sik.gl](mailto:sik@sik.gl))

PK-mut siulittaasooq ([formanden@pk.gl](mailto:formanden@pk.gl))

Mittarfeqarfiit ([mit@mit.gl](mailto:mit@mit.gl))

Asiaq ([asiaq@asiaq.gl](mailto:asiaq@asiaq.gl))

AK ([aknuuk@ak.gl](mailto:aknuuk@ak.gl))

IMAK ([imak@imak.gl](mailto:imak@imak.gl))

NPK ([info@npk.gl](mailto:info@npk.gl))

ASG ([asg@asg.gl](mailto:asg@asg.gl))

KANUNUPE ([kanunupe@gmail.com](mailto:kanunupe@gmail.com) imaluunniit [kanunupe@greennet.gl](mailto:kanunupe@greennet.gl) )

Tusarniaanissamut piffissaliussap naanerani siunnersuummut oqaaseqaateqarniarnatik makku nalunaaruteqarsimapput:

Tusarniaanissamut piffissaliussap naanerani ukunannga xxxxxxxx oqaaseqaatit tiguneqarsimapput.

Tusarniaanermut akissutigineqartut tullinnguuttuni suliarineqassapput. Naalakkersuisut tusarniaanernut akissutinut ataasiakkaanut oqaaseqaatai uingasutut allanneqartutut erseqqissaaffigineqarput.